

說事究竟故謂佛世尊凡所說法皆觀有情所應解
事令善究竟齊此而止不增不減譬如良醫觀有病
者隨應授藥不增不減佛亦如是有說世尊爲顯聖
道聖道加行及聖道果故說十想謂說無常想無常
苦想苦無我想死想則顯聖道說不淨想飲食想一
切世間不可樂想則顯聖道加行說斷想離想滅想
則顯聖道果有說世尊爲顯聖道聖道資糧及聖道
果故說十想此中配釋如前應知有說世尊爲顯奢
摩他毘鉢舍那及二果故說於十想謂說不淨想飲
食想一切世間不可樂想則顯奢摩他說無常想無

C40
4514
148



常苦想苦無我想死想則顯毘鉢舍那說斷想離想
滅想則顯彼二果有說世尊爲顯此岸彼岸及船筏
故說於十想謂說不淨想狀令想一切世間不可樂
想則顯此岸說斷想離想滅想則顯彼岸說無常想
無常苦想苦無我想死想則顯船筏有說世尊爲顯
諸蘊諸界過失及彼還滅果故說十想謂說無常想
無常苦想苦無我想則顯諸蘊過失說不淨想狀食
想則顯欲界過失說一切世間不可樂想則顯色界
過失說死想則顯無色界過失說斷想離想滅想則
顯彼還滅果有說世尊爲顯入正性離生離三界矣
及彼道果故說十想謂說無常想無常苦想苦無想
想則顯入正性離生說不淨想狀食想則顯離欲界
染以欲界有婬欲及段食欲於彼染習不能離欲界
染故說一切世間不可樂想則顯離色界染以色界
有生死中最勝喜受最勝樂受及第四靜慮最勝輕
安樂於彼耽著不能離色界染故說死想則顯離無
色界染以無色界壽量長遠於彼保著不能離無色
界染故說斷想離想滅想則顯彼道果有說世尊爲
顯近對治所治障故說於十想謂說無常想顯近對
治於諸行中我慢障說無常苦想顯近對治懈怠障

說苦無我想顯近對治我見障說不淨想顯近對治
 色貪障說厭食想顯近對治耽美食障說一切世間
 不可樂想顯近對治染著障說滅想顯近對治諸非法障說
 離想顯近對治染著障說滅想顯近對治所依障有
 說世尊爲顯對治外道執見故說十想謂諸外道於
 無常蘊中多起常執對治彼故說無常想彼由於蘊
 起常執故便計爲樂對治彼故說無常苦想彼由於
 蘊執有樂故便計有我對治彼故說苦無我想彼由
 執有我故便計有淨對治彼故說不淨想及厭食想
 彼由執有淨故便樂著生死對治彼故說一切世間
 不可樂想彼由著生死故便不求涅槃對治彼故說
 斷想離想滅想彼由不求涅槃故保愛壽命對治彼
 故說於死想有說世尊爲顯厭逆過失遠離過失及
 證離彼所得功德故說十想謂說不淨想厭食想一
 切世間不可樂想則顯厭逆過失說無常想無常苦
 想苦無我想死想則顯遠離過失說斷想離想滅想
 則顯證離彼所得功德有說世尊爲顯暫時斷究竟
 斷故說十想謂說不淨想厭食想一切世間不可樂
 想顯暫時斷說餘七想顯究竟斷如暫時斷究竟斷

論

四

女

如是有影斷無影斷有餘斷無餘斷有縛斷無縛斷
 摧枝葉斷拔根本斷制伏纏斷害躉眠斷亦爾有說
 世尊爲顯離三界染加行離三界染道離三界染故
 說十想謂說不淨想狀食想顯離欲界染加行說無
 常想顯離欲界染道說斷想顯離欲界染說一切世
 間不可樂想顯離色界染加行說無常苦想顯離色
 界染道說離想顯離色界染說死想顯離無色界染
 加行說苦無我想顯離無色界染道說滅想顯離無
 色界染如是十想界分別者不淨想狀食想一切世
 間不可樂想欲色界餘三界及非界地者不淨想狀

食想在十地謂欲界靜慮中間四靜慮及四近分
 切世間不可樂想在七地謂欲界未至靜慮中間根
 本四靜慮餘七想有漏者在十一地謂欲界未至靜
 慮中間根本四靜慮四無色無漏者在九地謂未至
 靜慮中間根本四靜慮下三無色所依者不淨想狀
 食想一切世間不可樂想依欲界餘依三界行相者
 無常想作無常行相無常苦想作苦行相苦無我想
 作無我行相不淨想作不淨行相狀食想作狀逆行
 相一切世間不可樂想作不可樂行相死想作死行
 相斷想作斷行相離想作離行相滅想作滅行相有

說後三一切皆作滅靜妙離四種行相問死想亦通無漏云何聖道作死行相耶答死爲所緣故名死想然彼還作無常行相問若爾死想無常想有何差別有說觀察諸行最後無常此想名死想觀察諸行剎那無常此想名無常想有說觀察有執受諸行無常此想名死想觀察有執受無執受諸行無常此想名無常想有說於有情處轉名死想於法處轉名無常想問若厭食想作厭逆行相者彼不淨想亦作厭逆行相此二有何差別答不淨想厭逆於色厭食想厭逆於味有說不淨想對治姪貪厭食想對治食貪者

有欲令十六行相外無聖道者彼說無漏斷離滅想卽作滅諦四種行相諸有欲令十六行相外有聖道者彼說無漏斷想卽作斷行相乃至無漏滅想卽作滅行相所緣者無常想有漏者三諦爲所緣無漏者苦諦爲所緣無常苦想有漏者二諦爲所緣無漏者苦諦爲所緣苦無我想有漏者一切法爲所緣無漏者苦諦爲所緣然佛此中所說三想惟說緣苦諦非餘不淨想眼識爲加行所引發故色處爲所緣厭食想厭段食故香味觸處爲所緣有說此想亦眼識爲加行所引發故但以色處爲所緣一切世間不可樂

想有說惟緣欲界以說此想對治緣世間可愛事貪
欲此貪欲惟在欲界故此中有說惟緣世間可愛事
有說亦緣可愛事所起貪欲問若惟緣欲界者云何
名一切世間不可樂想答一切有二種一一切一切
二少分一切此中說少分一切是故無過有說此想
通緣三界以名一切世間不可樂想故問若爾何故
說此想對治世間可愛事貪欲彼貪欲惟在欲界故
答彼經顯示初起趣入加行故作是說若已數習成
滿者亦能斷色無色界貪欲是故無過死想有說以
最後刹那命根爲所緣有說以最後刹那命根無常
爲所緣有說以最後刹那命根俱生五蘊爲所緣在
說以最後刹那命根俱生五蘊無常爲所緣有說以
一切衆同分命根爲所緣有說以一切衆同分命根
無常爲所緣有說以一切衆同分命根俱生五蘊爲
所緣有說以一切衆同分命根俱生五蘊無常爲所緣
斷想以斷爲所緣離想以離爲所緣滅想以滅爲所緣
如是說者以最後命根俱生五蘊無常爲所緣斷
念住者無常想無常苦想苦無我想四念住俱不淨
想厭食想身念住俱一切世間不可樂想有說身念

論

一

女

住俱有說法念住俱死想斷離滅想法念住俱智者無常想無常苦想苦無我想死想四智相應謂法智類智苦智世俗智不淨想狀食想一切世間不可樂想一智相應謂世俗智斷離滅想四智相應謂法智類智滅智世俗智三摩地者無常想無常苦想死想無漏者與苦無願三摩地相應苦無我想無漏者與空三摩地相應斷離滅想無漏者與無相三摩地相應不淨想狀食想一切世間不可樂想及餘七想中有漏者皆不與三摩地相應根者總說皆與三根相應謂樂喜捨根世者皆墮三世緣世者無常想無常苦想苦無我想緣三世不淨想狀食想一切世間不可樂想過去緣過去現在緣現在未來生者緣未來不生者緣三世死想有說緣三世有說緣未來斷離滅想緣非世善等者一切皆善緣善等者無常想無常苦想苦無我想不淨想緣善不善無記狀食想緣無記一切世間不可樂想有說緣三種有說緣不善無記死想有說緣無記有說緣三種所離滅想惟緣善三界繫不繫者不淨想狀食想一切世間不可樂想欲色界繫餘三界繫及不繫緣三界繫不繫者無常想無常苦想苦無我想死想緣三界繫不淨想狀

論

八

妙

食想緣欲界繫一切世間不可樂想有說緣欲界以
 說此想對治緣可愛事貪欲此貪欲惟在欲界故有
 說緣三界以此名一切世間不可樂想故如是說者
 初說爲善斷離滅想緣不繫學等者不淨想飲食想
 一切世間不可樂想惟非學非無學餘通三種謂學
 無學非學非無學緣學等者一切皆緣非學非無學
 見所斷等者不淨想飲食想一切世間不可樂想惟
 修所斷餘通修所斷及不斷緣見所斷等者無常想
 無常苦想苦無我想緣見修所斷不淨想飲食想一
 切世間不可樂想緣修所斷死想有說緣修所斷有
 說緣見修所斷斷離滅想緣不斷緣名義者無常想
 無常苦想苦無我想通緣名義死想有說惟緣義有
 說通緣名義餘六想但緣於義緣自相續等者前七
 想緣自他相續後三想緣非相續加行得離染得生
 得者一切加行得離染得非生得有漏無漏者不淨
 想飲食想一切世間不可樂想惟有漏餘有漏無漏
 外國師說死想惟有漏所以者何非諸聖道作我當
 死行相轉故評曰如是說者應說此想有漏無漏以
 此想加行時雖作我等當死行相若成滿時卽於彼
 境還作無常行相轉故緣有漏無漏者前七想緣有

漏後三想緣無漏問此十想幾有漏緣無漏幾無漏
 緣有漏幾有漏緣有漏幾無漏緣無漏答三少分是
 有漏緣無漏四少分是無漏緣有漏三全四少分是
 有漏緣有漏三少分是無漏緣無漏問此十想幾非
 有漏非不緣有漏乃至廣作四句前第二句作此第
 一句前第一句作此第二句前第四句作此第三句
 前第三句作此第四句有爲無爲者一切皆是有爲
 緣有爲無爲者前七想緣有爲後三想緣無爲問此
 十想幾自性斷非所緣斷幾所緣斷非自性斷幾自
 性斷亦所緣斷幾非自性斷亦非所緣斷答三少分

自性斷非所緣斷四少分所緣斷非自性斷三全四
 少分亦自性斷亦所緣斷三少分非自性斷亦非所
 緣斷問此十想幾非自性斷非不所緣斷乃至廣作
 四句前第二句作此第一句前第一句作此第二句
 前第四句作此第三句前第三句作此第四句問此
 十想幾是轉幾是隨轉答三是轉謂不淨想飲食想
 死想餘七是隨轉問若爾何想轉時幾想隨轉答不
 淨想飲食想轉時各四想隨轉謂一切世間不可樂
 想及斷離滅想死想轉時七想隨轉謂無常想無常
 苦想苦無我想一切世間不可樂想及斷離滅想云

何不淨想轉時四想隨轉謂修行者起不淨想時先
往塚間觀不淨相所謂死屍青瘀脰脹膿爛或蟲獸
食噉血肉狼籍支節分離或肉盡筋連惟觀骨璫次
第連接取是相已至一近處閉目思惟若皆分明現
前者善若不明了當更往觀如此善觀不淨相已疾
還所止洗足敷座結跏趺坐調滑身心令身心柔軟
身心堪能身心無熱身心離蓋既令身心離諸蓋已
取先外相以方已身如彼此亦爾如此彼亦爾謂我
此身具有如前諸不淨相因於足骨以在踝骨因於
踝骨以在脛骨因以脛骨以在膝

以膝骨以在

胫骨因以胫骨以在寃骨因於寃骨以在腰骨因於
腰骨以在脊骨因於脊骨傍連肋骨又因手骨以在
肘骨因於肘骨以在臂骨因於臂骨以在肩骨因於
肩骨以在脊骨復因脊骨以在項骨因於項骨以在
頷輪因於頷輪以在齒蔓上有髑髏於此身中骨璫
次第善取相已繫念眉間然其所樂有廣有略若樂
略者卽從眉間入身念住從身念住入受念住從受
念住入心念住從心念住入法念住若樂廣者從眉
間起復觀髑髏齒蔓頷輪次第觀察乃至骨足次由
勝解作意力故令所觀骨璫漸增漸廣遍滿一牀一

論

大藏經卷一百一十一

如意

房一院一僧伽藍一村一田一城一國乃至大海邊
 際所有大地皆爲白骨周匝遍滿復以勝解作意力
 故從彼漸略捨大地骨觀於一國捨一國觀一城乃
 至捨一房觀一牀復捨一牀所有骨相但觀身骨謂
 觀足骨次觀踝骨次觀脛骨乃至最後觀髑髏骨捨
 颩髏骨繫念眉間彼瑜伽師若於如是廣略自在是
 名不淨觀成然此不淨觀有所緣少非自在少應作
 四句有所緣少非自在少謂但思惟自身骨鑠相而
 能數數入出彼觀有自在少非所緣少謂能思惟大
 地骨鑠相而不能數數入出彼觀有自在少亦所緣
 少謂但思惟自身骨鑠相亦不能數數入出彼觀有
 非自在少亦非所緣少謂能思惟大地骨鑠相亦能
 數數入出彼觀有此不淨觀有所緣無量非自在無
 量應作四句謂前第二句作此第一句前第一句作
 此第二句前第四句作此第三句前第三句作此第
 四句彼瑜伽師如是觀察不淨相已作是思惟生死
 諸行何可欣樂爾時便於欲色無色三界諸行都不
 貪樂由如此故彼先所修一切世間不可樂想便得
 圓滿彼由不欣樂生死故便欣樂涅槃由此因緣先
 所修習斷離滅想皆得圓滿如是不淨想轉時四想

隨轉云何飲食想轉時四想隨轉謂修行者起飲食
想時觀手中若鉢中食從何而成知從穀等復觀穀
等從何而來知從田中種子差別復觀種子由誰故
生知由種種泥土糞穢如是觀已便作是念此食展
轉從不淨生復能展轉生諸不淨誰有智者於中貪
著又彼行者或常乞食或僧中食常乞食者晨朝澡
漱嚼楊枝時於水作尿想於楊枝作指骨想著衣持
鉢往聚落時於衣作濕人皮想於腰綰作人腸想於
鉢作髑髏想於錫杖作脛骨想於道路間所見礮石
作骸骨想既至聚落見諸城壁作塚墓想見諸男女
作骨鎧想於乞食時若得餅作人肚想若得麩作骨
粟能想若得鹽作人齒想若得飯作蛆蟲想若得諸菜
作人髮想若得羹臍作下汁想若得乳酪作人腦想
若得酥蜜作人脂膏想若得魚及肉作人肉想若得
諸飲作人血想若得歡喜丸等作乾糞想其僧中食
者若得淨草作死人髮想所處牀座作骨聚想於所
得飲食作不淨想皆如前說問行者何故於飲食等
作不淨想耶答彼作如是思惟我無始生死由於不
淨作淨想故輪迴五趣受諸苦惱今欲違彼趣涅槃
樂是故於中觀爲不淨復次彼行者作是念莫令我

於飲食生淨想故增益貪心障礙聖道故於飲食作不淨想由不淨想便能厭離彼瑜伽師於是於食起厭想已作是思惟生死諸行何可欣樂便於五界諸行生厭由如此故彼先所修一切世間不可樂想便得圓滿彼由厭生死故便樂涅槃由此因緣先所修習斷離滅想皆得圓滿如是厭食想轉時四想隨轉云何死想轉時七想隨轉謂修行者起死想時觀察諸法念念生滅彼於春時見諸卉木生華生葉鮮榮紅紺如妙寶色河池津液水漸盈滿魚鳥喧戲便作是念今外物生彼入聚落見諸男女歌舞跳躍飲食喜慶卽前問之此何故爾答曰此處生男生女便作是念今內法生復於夏時見諸卉木柯條聳密華葉茂盛河池汎溢波濤輪轉查沫凌岸便作是念此諸外法今已興盛彼入聚落見諸男女擊鼓吹貝歌舞歡笑車馬雜沓卽前問之此何故爾答曰此中有嫁娶事便作是念此諸內法今已壯盛復於秋時見諸草木爲秋日所曝涼風所吹青色銷盡葉皆黃悴河池流水漸漸減縮便作是念此諸外物今已衰悴彼入聚落見諸男女髮白面皺扶杖而行身形曲偻咳逆上氣便作是念此諸內法今已衰老復於冬時見

諸草木霜風飄擊葉皆在地摧折枯死河池流水漸
皆竭盡乃至乾涸便作是念此諸外法今已復滅彼
入聚落見諸男女被髮跳踊追胥號咷宛轉在地卽
前問之此何故爾答曰此處父母死喪便作是念此
諸內法今已復滅彼於如是内外無常善取相已還
其所止洗足敷座結跏趺坐調滑身心令身心柔軟
身心堪能身心無熟身心離蓋旣令身心離諸蓋已
內住其心修於死想謂如所見諸無常相觀察內身
一期諸蘊生時生乃至老死時滅復於一期有爾
所位諸蘊各異捨餘隨觀一位諸蘊前生後滅復於

一位有爾所歲諸蘊各異捨餘隨觀一歲諸蘊前
後滅復於一歲有爾所時諸蘊各異捨餘隨觀一時
諸蘊前生後滅復於一時有爾所月諸蘊各異捨餘
隨觀一月諸蘊前生後滅復於一月有爾所晝夜諸
蘊各異捨餘隨觀一晝夜蘊前生後滅復於一晝夜
有爾所牟呼栗多諸蘊各異捨餘隨觀一牟呼栗多
蘊前生後滅復於一牟呼栗多有爾所臘縛諸蘊各
異捨餘隨觀一臘縛蘊前生後滅復於一臘縛有爾
所但刹那諸蘊各異捨餘隨觀一但刹那蘊前生後
滅復於一但刹那有爾所刹那諸蘊各異以刹那最

多故於中漸漸畧觀乃至觀蘊二剎那生二剎那滅
 是名生滅觀加行圓滿從此無間能觀諸蘊一剎那
 生一剎那滅是名生滅觀成爾時名爲死想圓滿以
 諸位滅即是死故彼修行者如是諦觀蘊生滅已便
 作是念世尊所說諸行無常誠爲善說以生滅即無
 常故如是行者死想轉時令先所修諸無常想皆得
 圓滿行者復觀諸蘊相續前剎那蘊由後剎那蘊所
 逼迫故生已卽滅如是觀已便作是念世尊所說無
 常故苦誠爲善說以逼迫即是苦故如是行者死想
 轉時令先所修無常苦想而得圓滿行者復觀前剎
 那蘊纔滅後剎那蘊卽生假使前蘊念言我今不滅
 後蘊念言我今不生彼於所欲皆不自在前蘊後所
 逼故必滅後蘊前所牽故必生如是觀已便作是念
 世尊所說苦無我想誠爲善說以不自在卽無我故
 如是行者死想轉時令先所修苦無我想而得圓滿
 行者復觀諸行生滅不自在故於空行聚中不生貪
 樂由此便於三界諸行不生樂著如是死想轉時令
 先所修一切世間不可樂想而得圓滿彼修行者既
 於生死不樂著故便樂涅槃如是死想轉時令先所
 刪斷離滅想皆得圓滿由此故說死想轉時七想隨

轉問修諸想時有勝解作意有真實作意彼勝解作意所觀不實何非顛倒答彼修行者知非真實不生實執故非顛倒問若知不實何故猶作答爲伏煩惱是故須作問此若不實云何能伏煩惱答由作彼想便能制伏如於餘女作母想時不生貪染於怨憎所作親想時不生瞋恚於下人所作尊想時不生憍慢此亦如是故須觀察

阿毗達磨大毗婆沙論卷第一百六十六

說一切有部發智

音釋

評蒲兵切

品論也

死屍屍書之切

青瘀瘀依倨切

脢脹脢脹切

脹知亮切

膿爛膿落肝切腐爛也

狼籍狼魯當切籍奉

雜亂雜亂切

筋連筋舉欣切

骨鑼骨絡也

連瑣也

枉踝枉知庚

踝胡瓦切

脛膝脛胡定切脚脛也

膝脰膝頭節也

脛脰脰脚脰也

筋連筋連切

脊骨脊骨也

連瑣也

枉踝枉知庚

筋連筋連切

脛膝脛胡定切脚脛也

膝脰膝頭節也

脛脰脰脚脰也

縮

減古斬縮所六切

皮側散也

龍王切

僕佛也

浮渡

居士吳用先施賁刻此

阿毗達磨大毗婆沙論第一百六十六卷計

字七千零三十八箇該銀三兩五錢二分

計

銀山釋海亮對長沙徐普書句容潘繼德刻

萬曆乙卯歲秋七月徑山化城識

浮渡居士吳用先施賁刻此
阿毗達磨大毗婆沙論第一百六十六卷計
字七千零三十八箇該銀三兩五錢二分
銀山釋海亮對長沙徐普書句容潘繼德刻
萬曆乙卯歲秋七月徑山化城識

阿毗達磨大毗婆沙論卷第一百六十七

五百大阿羅漢等造

定蘊第七中攝納息第三之二

唐三藏法師玄奘奉詔譯

無常想等攝幾靜慮等耶答無常想攝四靜慮四無色四解脫乃至廣說問何故作此論答欲止他宗義顯已義故如分別論者許他性攝遮自性攝今止彼意許自性攝遮他性攝故作斯論問何故此中不說想還攝想答是作論者意欲爾故乃至廣說有說此中應作是問無當查等攝幾想等耶答無常想攝無

論
六祖傳法記卷第十一
十一

如十

常想乃至一切世間不可樂想攝一切世間不可樂想應作是說而不說者當知此義有餘有說此中欲成立未成立義想還攝想不待成立是故不說問若爾後文亦不應說初靜慮等還攝初靜慮等有說靜慮等攝多法體非於多法自性攝義不說自成想惟一法是故非難有說彼亦不應說靜慮等攝靜慮等而說者欲現種種文種種說由種種文種種說莊嚴於義義則易解有說爲現二門二畧二階二炬二明二光二種文影如不說想攝想如是亦應不說靜慮攝靜慮等如後說靜慮攝靜慮等如是亦應說想攝想欲令彼此二義俱通故作二文互相影發有說此中辯攝及相應義以想對想但有攝義無相應義是故不說此不應理於智等待亦不應說無相應故應作是說想自性無雜於攝易了是故不說智與等待或自性有雜或行相有雜於攝難了是故則說無常想攝四靜慮者此卽總說然諸靜慮皆五蘊性此無常想惟攝想蘊不攝餘蘊於想蘊中惟攝無常想不攝餘想於無常想中過去攝過去未來攝未來現在攝現在有漏攝有漏無漏攝無漏學攝學無學攝無學非學非無學攝非學非無學退法攝退法乃至不

論

大智度論卷第十一

十一

妙法

動法攝不動法於中在初靜慮者攝初靜慮乃至在第四靜慮者攝第四靜慮是故總說攝四靜慮如說攝四靜慮攝四無色四解脫亦爾差別者四無色四解脫四蘊爲性餘想隨應亦准此說然諸想皆以想爲自性故皆不攝智三摩地第八解脫問無常想亦通欲界繫此中何故不說答應說而不說者當知此義有餘有說無常想在欲界者是加行非根本此中惟說根本是故不說有說今此定蘊惟說定地法故不說欲界有說此中以十想對靜慮等門爲問欲界非靜慮等門是故不說餘想不說義亦同此如無常想無常苦想苦無我想死想斷想離想滅想亦爾皆在八等至通有漏無漏故此七想以所緣行相異故不攝初三解脫八勝處十遍處及無量不淨想攝第三第四靜慮初二解脫問四靜慮中皆有不淨想何故惟說攝第三第四靜慮耶答亦應說攝初第二靜慮而不說者當知此義有餘有說若說攝初二解脫當知已說攝初二靜慮以初二解脫在初二靜慮故有說此中舉後顯初舉離喜地顯有喜地故有說初二靜慮無不淨想是故不說所以者何彼二地皆有喜根一切喜根欣歡行轉不淨想狀感行轉非一心

中二行轉故問若爾此想所攝初二解脫在何地耶答在二近分非根本地亦與喜受相違故問若爾後文不應說初二靜慮攝初二解脫前四勝處答彼說靜慮亦攝眷屬如說城邑亦攝城邑邊問若爾不應說不淨想攝第三靜慮以彼地有樂受亦與不淨想相違故答第三靜慮言亦攝眷屬非根本地是故無過若爾此中亦應說不淨想攝初二靜慮以汝俱許在近分地無差別故如是說者初二靜慮根本地中亦有不淨想及初二解脫若謂無者應無有能離此地染以此地有增上喜動蹋其心若無不淨想初二

解脫制伏彼者諸伽師豈能離彼地染又彼亦應無苦集忍智以彼前行轉故由此亦應無無常想無常苦想問云何喜又作狀行轉耶答能自在狀故亦生喜卽生喜時尔彼亦狀如勝怨時亦狀亦喜有說如王與將士摧怨敵已共受喜樂如是行者以不淨想等摧欲界已於初靜慮等共受喜樂有說初靜慮中初二解脫及不淨想對治欲界鼻舌二識第二靜慮初二解脫及不淨想對治初靜慮眼耳身識是故初二靜慮中定有初二解脫及不淨想然此中畧故不說不淨想攝初二靜慮有說不淨想實在四靜慮

然此惟說攝第三第四靜慮者以第三靜慮有生死中殊勝受樂第四靜慮有生死中殊勝輕安樂難厭
難捨故於是中說不淨想初二靜慮中無如是樂故不說攝問何故不淨想但說攝初二解脫不說攝前
四勝處耶答不淨想是初修總觀與初二解脫相似故攝勝處是後起別觀故不相攝如不淨想厭食想
亦爾問厭食想非解脫自性云何亦攝初二解脫答此文但應說厭食想攝第三第四靜慮而說如不淨
想者欲顯厭食想以不淨想爲加行妄厭食想及加行故說如不淨想有說厭食想與不淨想相雜相引
有相攝義是故說攝如不淨想有說厭食想亦作不
淨行轉如說若得飯時作蟲蛆想乃至廣說是故亦
攝初二解脫俱觀色處不淨故問若厭食想與不
淨想俱觀色處不淨轉者世尊所說厭食想不淨想
何差別答體實無別但以所對治愛有差別故建立
二想謂不淨想對治婬欲愛厭食想對治段食愛評
白不應作如是說佛所安立十想各各異故又段食
愛緣段食起香味觸處是段食性若許此想對治彼
愛云何說同不淨想觀色處故攝初二解脫耶是故
應知初說爲善此二想所緣行相及地異故不攝餘

解脫勝處及遍處無量一切世間不可樂想攝第三
 第四靜慮問初第二靜慮亦有此想何故不說攝耶
 答此文應說攝四靜慮而但說攝後二者當知此義
 有餘有說此中舉後顯初有說上二靜慮是殊勝可
 愛樂地以有最勝受樂及最勝輕安樂故於如是地
 說有此想顯修行者於勝樂地中尚能起不可樂想
 況於餘處是故惟說攝此二地有說初靜慮爲尋伺
 風所動第二靜慮爲極喜水所漂雖有不淨耽食一
 切世間不可樂想而不明淨後二靜慮與此相違故
 說攝彼此想所緣行相及地異故不攝一切解脫勝
 處遍處無量初靜慮等攝幾靜慮等耶答初靜慮攝
 初靜慮四無量初二解脫前四勝處八智三三摩地
 第二靜慮攝第二靜慮四無量初二解脫前四勝處
 八智三三摩地第三靜慮攝第三靜慮三無量八智
 三三摩地第四靜慮攝第四靜慮三無量淨解脫後
 四勝處前八遍處八智三三摩地此中四靜慮皆以
 自根本地五蘊爲性故得攝此諸門功德應知皆是
 自性攝非他性攝慈無量等攝幾無量等耶答慈攝
 慈世俗智乃至捨攝捨世俗智此中四無量皆以俱
 生品諸蘊爲性故得攝世俗智總緣有情爲境故不

論

卷之二十一

七

如十

攝解脫勝處遍處及他心智有漏故不攝餘智三三
 摩地空無邊處等攝幾無色等耶答空無邊處攝空
 無邊處及彼解脫彼遍處六智三三摩地識無邊處
 摄識無邊處及彼解脫彼遍處六智三三摩地無所
 有處攝無所有處及彼解脫六智三三摩地非想非
 非想處攝非想非非想處及彼解脫滅想受解脫世
 俗智此中四無色皆以自根本地四蘊爲性故得攝
 此所有功德六智者除法智他心智此二不依無色
 地故初解脫等攝幾解脫等耶答初第二第三解脫
 攝初第二第三解脫世俗智空無邊處解脫攝空無
 邊解脫及彼遍處六智三三摩地識無邊處解脫攝
 識無邊處解脫及彼遍處六智三三摩地無所有處
 解脫攝無所有處解脫六智三三摩地非想非非想
 處解脫攝非想非非想處解脫世俗智滅想受解脫
 摄滅想受解脫此中前三解脫皆以俱生品五蘊爲
 性故得攝世俗智是初總觀故不攝勝處遍處是有
 漏故不攝餘智三三摩地緣色故不攝他心智四無
 色解脫各以自地加行善四蘊爲性是故得攝後二
 遍處及六智三三摩地初勝處等攝幾勝處等耶答
 初勝處攝初勝處世俗智乃至第八勝處攝第八勝

處世俗智此中八勝處皆以俱生品五蘊爲性故得攝世俗智勝處是中觀故不攝遍處有漏故不攝餘智三三摩地綠色故不攝他心智初遍處等攝幾遍處等耶答初遍處攝初遍處世俗智乃至第十遍處攝第十遍處世俗智此中十遍處皆以俱生品五蘊四蘊爲性故得攝世俗智有漏故不攝餘智三三摩地綠色及地異故不攝他心智法智等攝幾智等耶答法智攝法智五智少分乃至廣說法智攝法智者攝智在六地謂未至定靜慮中間及四靜慮未至定攝未至定乃至第四靜慮攝第四靜慮又法智在三道謂見道修道無學道見道攝見道乃至無學道攝無學道又法智緣四諦苦法智攝苦法智乃至道法智攝道法智又法智在四道謂加行無間解脫勝進道加行道攝加行道乃至勝進道攝勝進道又法智墮三世過去攝過去未來攝未來現在攝現在於中乃至此剎那攝此剎那彼剎那攝彼剎那此中總說故但言法智攝法智攝五智少分者謂法智亦攝他心智四諦智少分他心智通有漏無漏此惟攝無漏無漏中有法智類智此惟攝法智故言少分四諦智各通法智類智此惟攝法智故言少分類智攝類智

五智少分者如法智說差別者此在九地他心智攝他心智者他心智在四根本靜慮初靜慮攝初靜慮乃至第四靜慮攝第四靜慮又他心智通有漏無漏有漏攝有漏無漏攝無漏又他心智有學無學非學非智攝法智類智攝類智又他心智有學無學非學非無學攝學乃至非學非無學攝非學非無學又他心智墮三世過去攝過去未來攝未來現在攝現在於中乃至此剎那攝此剎那彼剎那攝彼剎那此中總說故但言他心智攝他心智攝四智少分者謂他心智亦攝法智類智世俗智道智少分法智類智各緣

四諦此惟攝緣道諦少分故言少分世俗智在十八地謂欲界靜慮中間四靜慮四無色及彼近分此惟攝四靜慮於四靜慮中有善染污無覆無記此惟攝善於善中有生得聞所成修所成此惟攝修所成於修所成中有加行無間解脫勝進道此惟攝勝進道於勝進道中有順退分順住分順勝進分順決擇分此惟攝順住分於順住分中有緣過去未來現在及離世此惟攝緣現在於緣現在中有緣自相續緣他相續此惟攝緣他相續緣他相續中有緣心心所有緣五蘊此惟攝緣心心所緣心心所中有緣一法有

緣多法此惟攝緣法緣一法中有是他心智有非他心智此惟攝他心智由如是義故言少分道智在九地謂未至定靜慮中間四靜慮三無色此惟攝四靜慮於四靜慮中有見道修道無學道此惟攝修道無學道於此二中有加行無間解脫勝進道此惟攝勝進道於勝進道中有緣過去未來現在此惟攝緣現在於緣現在中有緣自相續有緣他相續此惟攝緣他相續於緣他相續中有緣心心所法有緣五蘊此惟攝緣心心所法於緣心心所法中有緣一法有緣多法此惟攝緣一法於緣一法中有是他心智有非他心智此惟攝他心智由如此義故言少分世俗智攝世俗智者世俗智在十八地如前說欲界攝欲界乃至非想非非想處攝非想非非想處又世俗智有善染污無覆無記善攝善乃至無覆無記攝無覆無記於善中有加行得離染得生得加行得攝加行得乃至生得攝生得復有順退分乃至順決擇分順退分攝順退分乃至順決擇分攝順決擇分復有加行道乃至勝進道加行道攝加行道乃至勝進道攝勝進道復有過去未來現在過去攝過去乃至現在攝現在於中乃至此剎那攝此剎那彼剎那攝彼剎

論

大藏經卷一百一十一

十一

妙用

那此中總說故言世俗智攝世俗智一智少分者謂世俗智亦攝他心智少分他心智通有漏無漏此惟攝有漏故言少分苦智攝苦智者苦智在九地在三道在四道墮三世墮剎那隨在何地何道墮何世何剎那卽彼地彼道彼世彼剎那攝此中總說故言苦智攝苦智二智少分者謂苦智亦攝法智類智少分法智類智各緣四諦此惟攝緣苦諦故言少分集智攝集智二智少分滅智攝滅智二智少分者皆如苦智說道智攝道智者亦如苦智說三智少分者謂道智亦攝法智類智他心智少分法智類智各緣四諦此惟攝緣道諦他心智通有漏無漏此惟攝緣無漏故言少分空三摩地等攝幾三摩地耶言空攝空無願攝無願無相攝無相空三摩地緣苦諦二行相轉無願三摩地緣三諦十行相轉無相三摩地緣滅諦四行相轉於中一一行相皆在九地在三道在四道墮三世墮剎那隨何行相在何地何道墮何世何剎那卽彼行相彼地彼道彼世彼剎那攝此中總說故言空攝空乃至無相攝無相三三摩地雖通有漏此中依解脫門說故惟攝無漏如攝可得亦爾由自體於自體可得是攝義故謂自體於自體是有自體於

論
卷之十一
七

十一

上

自體是實自體於自體是現有是不異是不外是不相離是不解脫是無差別是不空是不無非客非遠非二非諍諸如是等皆是可得義故諸法自體攝自體非如以手攝食以指攝衣但一切法障礙自體令究竟不捨故名爲攝有餘師說此自體攝有四種謂各別界各別物各別剎那各別相續各別界者謂眼界攝眼界乃至法界攝法界各別物者謂法界中有七物卽色受想行及三無爲色攝色乃至非擇滅攝非擇滅各別剎那者謂色中有過去未來現在過去攝過去乃至現在攝現在各別相續者謂現在色有

墮自相續有墮他相續自相續攝自相續他相續攝他相續由此理趣餘應准知故言如攝可得亦爾攝與可得義無異故無常想等與幾靜慮等相應耶答無常想與四靜慮四無色四解脫四智一三摩地相應乃至廣說問何故作此論答爲止愚於相應法執相應法非實有者意顯相應法是實有故而作斯論無常想與四靜慮相應者四靜慮皆五蘊性此想與彼二蘊全一蘊少分相應與四無色四解脫相應者四無色及四無色解脫皆四蘊性此想與彼二蘊全一蘊少分相應與四智相應者謂與法智類智世俗

智苦智相應一三摩地相應者謂緣苦無願如無常想無常苦想苦無我想死想斷想離想滅想亦爾者此依皆與四智一三摩地相應數同故言亦爾於中一切同者謂死想行相異而名同者謂無常苦想智名同餘不同者謂苦無我想與空三摩地相應故惟有數同餘皆不同者謂斷離滅想與滅智無相三摩地相應故不淨想與後二靜慮初二解脫世俗智相應者此想與四靜慮相應而但言後二靜慮相應者如攝中說如不淨想貪食想亦爾者此想實不與初二解脫相應而說與相應者亦如攝中說一切世間不可樂想與後二靜慮世俗智相應者此想亦與四靜慮相應而但言與後二相應者亦如攝中說初靜慮等與幾靜慮等相應耶答初靜慮與初靜慮四無量初二解脫前四勝處八智三三摩地相應第二靜慮與第二靜慮四無量初二解脫前四勝處八智三三摩地相應第三靜慮與第三靜慮三無量八智三三摩地相應第四靜慮與第四靜慮三無量淨解脫後四勝處前八遍處八智三三摩地相應此中四靜慮皆以自地五蘊爲性一一地俱生四蘊展轉相應故言初靜慮與初靜慮乃至第四靜慮與第四靜慮

論
卷一百一十一
性
子十七

東京大学総合図書館所蔵

論

卷三

女

相應非自性與自性有相應義又以一一靜慮攝多法故得與諸無量等功德相應三無量者除喜無量後二靜慮無喜根故諸有欲令喜無量不以喜受爲自性者亦說此與喜受相應故彼二地惟三無量慈無量等與幾無量等相應耶答慈與慈世俗智相應乃至捨與捨世俗智相應慈等雖以無瞋善根等爲自性而此中所說總攝自性相應俱有爲慈等體故說慈與慈相應乃至捨與捨相應卽是俱生四蘊互相應義空無邊處等與幾無色等相應耶答空無邊處與空無邊處及彼解脫彼遍處六智三三摩地相應識無邊處與識無邊處及彼解脫彼遍處六智三三摩地相應無所有處與無所有處及彼解脫六智三三摩地相應非想非非想處與非想非非想處及彼解脫世俗智相應此中四無色皆以自地四蘊爲性一一地俱生四蘊展轉相應故言空無邊處與空無邊處乃至非想非非想處與非想非非想處相應又以一一無色攝多法故得與餘所說功德相應六智者如攝中說初解脫等與幾解脫等相應耶答初第二第三解脫與初第二第三解脫世俗智相應空無邊處解脫與空無邊處解脫及彼遍處六智三三

摩地相應識無邊處解脫與識無邊處解脫及彼遍處六智三三摩地相應無所有處解脫與無所有處解脫六智三三摩地相應非想非非想處解脫與非想非非想處解脫世俗智相應滅想受解脫非相應前三解脫雖皆以無貪善根爲自性而此中所說總以自性相應俱有法爲體故說初第二第三解脫與初第二第三解脫相應卽是俱生四蘊互相應義四無色解脫如四無色說滅想受解脫雖有多法如心心所不相離俱時起而無所依所緣行相同義故非相應初勝處等與幾勝處等相應耶答初勝處與初勝處世俗智相應乃至第八勝處與第八勝處世俗智相應此中八勝處雖皆無貪善根爲自性而此中所說總以自性相應俱有法爲體故說初勝處與初勝處乃至第八勝處與第八勝處相應初遍處等與幾遍處等相應耶答初遍處與初遍處世俗智相應乃至第十遍處與第十遍處世俗智相應前八遍處雖以無貪善根爲自性此中所說總以自性相應俱有法爲體後二遍處總以俱生四蘊爲性故言初遍處與初遍處乃至第十遍處與第十遍處相應法智等與幾三摩地相應耶答法智與三三摩地少分相

論

方圓沙論卷一百六十七

三

應乃至廣說法智與三三摩地少分相應者此智不與類智及一切忍俱三三摩地相應故言少分如法智類智亦爾者此智不與法智及一切忍俱三三摩地相應故言亦爾他心智與一三摩地少分相應者此智與苦集滅智及他心智所不攝道智并一切忍俱三三摩地不相應故言少分即是與一緣道無願三摩地少分相應義如他心智集滅道智亦爾者此依數同故說亦爾然集智惟與緣集無願三摩地少分相應滅智惟與無相三摩地少分相應道智惟與緣道無願三摩地少分相應皆除忍俱三摩地故苦智與二三摩地少分相應者此智惟與智俱空三摩地及苦智俱無願三摩地相應故言少分三三摩地門不別說相應者對前諸門具已說故於自門中無相應故

阿毗達磨大毗婆沙論卷第一百六十七

說一切有部發智

浮渡居士吳用先施貲刻此
 阿毗達磨大毗婆沙論第一百六十七卷 計
字六千三百五十三箇該銀三兩一錢八分
 銀山釋海亮對長洲徐普書深水端司亮刻
 萬曆丙辰歲夏六月徑山化城識

阿毗達磨大毗婆沙論卷第一百六十八

阿毗達磨

不眼觸臥瓢昔惟前當門具弓箭姑於自門中無時
人苦皆財無財三學臥瓢姑言心於三三學臥門
與三三學臥心於臥瓢昔此皆卦與皆具空三學臥

阿毗達磨大毗婆沙論卷第一百六十八

五百大阿羅漢等造

唐三藏法師玄奘奉詔譯

定蘊第七中攝納息第三之三

若成就初靜慮等乃至廣說問何故作此論答爲止
撥無成就不成就性者意顯成就不成就性是實有
故而作斯論若成就初靜慮等彼於四靜慮等幾成
就幾不成就答若成就初靜慮彼於四靜慮或一二
三四一者謂梵世愛未盡此卽異生聖者生欲界梵
世若生欲界於初靜慮惟離染得故成就若生梵世

於初靜慮有離染得有生得故成就彼梵世愛未盡故不成就上三靜慮二者謂梵世愛盡上愛未盡此卽異生聖者生欲界梵世及聖者生極光淨若生欲界於初二靜慮惟離染得故成就若生梵世於初靜慮有離染得有生得故成就於第二靜慮惟離染得故成就若生極光淨於初靜慮惟成就無漏非有漏以越地捨故於第二靜慮惟離染得故成就彼極光淨愛未盡故不成就上二靜慮三者謂極光淨愛盡上愛未盡此卽異生聖者生欲界梵世及聖者生極光淨遍淨若生欲界於下三靜慮惟離染得故成就

若生梵世於初靜慮有離染得有生得故成就於第二第三靜慮惟離染得故成就若生極光淨於初靜慮惟成就無漏於第二第三靜慮惟離染得故成就若生遍淨於初二靜慮惟成就無漏於第三靜慮惟離染得故成就彼遍淨愛未盡故不成就第四靜慮四者謂遍淨愛盡此卽異生聖者生欲界梵世及聖者生極光淨乃至非想非非想處若生欲界於四靜慮皆惟離染得故成就若生梵世於初靜慮有離染得有生得故成就於上三靜慮惟離染得故成就若生極光淨於初靜慮惟成就無漏於上三靜慮惟離

染得故成就若生遍淨於初二靜慮惟成就無漏於
第三第四靜慮惟離染得故成就若生廣果於下三
靜慮惟成就無漏於第四靜慮惟離染得故成就若
生無色界於四靜慮惟成就無漏於四無量或無或
三或四無者謂生無色界此卽聖者生彼四地成就
無漏初靜慮非四無量以越界捨故三者謂生遍淨
廣果此卽聖者生彼二地成就無漏初靜慮及三無
量除喜以越地捨故四者謂生欲界梵世極光淨此
卽異生聖者生欲界梵世及聖者生極光淨若生欲
界梵世成就有漏無漏初靜慮及四無量若生極光

淨成就無漏初靜慮及四無量於四無色或無或一
二三四無者謂色愛未盡此卽異生聖者欲愛盡色
愛未盡故成就初靜慮非無色一者謂色愛盡上愛
未盡此卽異生聖者生欲界梵世及聖者生極光淨
乃至空無邊處彼皆成就初靜慮及一無色若生欲
界梵世成就有漏無漏初靜慮初無色若生極光淨
乃至空無邊處成就無漏初靜慮有漏無漏初無色
彼上愛未盡故不成就上三無色二者謂空無邊處
愛盡上愛未盡此卽異生聖者生欲界梵世及聖者
生極光淨乃至識無邊處彼皆成就初靜慮及二無

色若生欲界梵世成就有漏無漏初靜慮初二無色
 若生極光淨乃至空無邊處成就無漏初靜慮有漏
 無漏初二無色若生識無邊處成就無漏初靜慮初
 無色有漏無漏第二無色彼上愛未盡故不成就上
 二無色三者謂識無邊處愛盡上愛未盡此卽異生
 聖者生欲界梵世及聖者生極光淨乃至無所有處
 彼皆成就初靜慮及三無色若生欲界梵世成就有
 漏無漏初靜慮初三無色若生極光淨乃至空無邊
 處成就無漏初靜慮有漏無漏初三無色若生識無
 邊處成就無漏初靜慮初無色有漏無漏第二第三

無色若生無所有處成就無漏初靜慮初二無色有
 漏無漏第三無色彼上愛未盡故不成就上一無色
 四者謂無所有處愛盡此卽異生聖者生欲界梵世
 及聖者生極光淨乃至非想非非想處彼皆成就初
 靜慮及四無色若生欲界梵世成就有漏無漏初靜
 慮三無色有漏一無色若生極光淨乃至空無邊處
 成就無漏初靜慮有漏無漏三無色有漏一無色若
 生識無邊處成就無漏初靜慮一無色有漏無漏二
 無色有漏一無色若生無所有處成就無漏初靜慮
 二無色有漏無漏一無色有漏一無色若生非想非

論

四

卷八

非想處成就無漏初靜慮三無色有漏一無色於八
 解脫或無或一二三四五六七八無者謂生遍淨卽
 彼愛未盡此卽聖者生遍淨成就無漏初靜慮而不
 成就解脫初二解脫越地捨故後六解脫未離遍淨
 染未得故是故言無一者謂生遍淨卽彼愛盡上愛
 未盡若生廣果卽彼愛未盡若生空無邊處卽彼愛
 未盡此卽聖者生彼諸地成就無漏初靜慮及一解
 脱此中若生遍淨卽彼愛盡上愛未盡彼成就淨解
 脱非餘前二越地捨故後五未得故若生廣果卽彼
 愛未盡彼亦成就淨解脫非餘如前釋若生空無邊
 處卽彼愛未盡彼成就有漏無漏空無邊處解脫非
 餘前三越地捨故後四未得故二者謂生欲界梵世
 極光淨遍淨愛未盡若生遍淨廣果廣果愛盡上愛
 未盡若生空無邊處卽彼愛盡上愛未盡若生識無
 邊處卽彼愛未盡此卽異生聖者生欲界梵世及聖
 者生極光淨乃至識無邊處彼皆成就初靜慮及二
 解脫於中若生欲界梵世遍淨愛未盡彼成就有漏
 無漏初靜慮及初二解脫非餘未得故若生極光淨
 遍淨愛未盡彼成就無漏初靜慮餘如前說若生遍
 淨廣果廣果愛盡上愛未盡彼成就無漏初靜慮及

第三解脫有漏無漏第四解脫非餘初二已捨故後四未得故若生空無邊處卽彼愛盡上愛未盡彼成就無漏初靜慮及有漏無漏第四第五解脫非餘初三已捨故後三未得故若生識無邊處卽彼愛未盡彼成就無漏初靜慮及無漏第四解脫有漏無漏第五解脫非餘如前釋三者謂生欲界梵世極光淨遍淨愛盡上愛未盡若生遍淨廣果空無邊處愛盡上愛未盡若生空識無邊處識無邊處愛盡上愛未盡若生無所有處卽彼愛未盡此卽異生聖者生欲界梵世及聖者生極光淨乃至無所有處皆成就初靜慮及三解脫於中若生欲界梵世遍淨愛盡上愛未盡彼成就有漏無漏初靜慮及前三解脫非餘未得故若生極光淨遍淨愛盡上愛未盡彼成就無漏初靜慮餘如前說若生遍淨廣果空無邊處愛盡上愛未盡彼成就無漏初靜慮及第三解脫有漏無漏第四第五解脫非餘前二已捨故後三未得故若生空無邊處識無邊處愛盡上愛未盡彼成就無漏初靜慮第四解脫有漏無漏第五第六解脫非未得故若生識無邊處卽彼愛盡上愛未盡彼成就無漏初靜慮第四解脫有漏無漏第五第六解脫非

餘如前說若生無所有處卽彼愛未盡彼成就無漏初靜慮第四第五解脫有漏無漏第六解脫非餘如前說四者謂生欲界梵世極光淨廣果愛盡上愛未盡若生遍淨廣果識無邊處愛盡上愛未盡若生空識無邊處無所有處愛盡若生非想非非想處不得滅盡定此卽異生聖者生欲界梵世及聖者生極光淨乃至非想非非想處皆成就初靜慮及四解脫於中若生欲界梵世廣果愛盡上愛未盡彼成就有漏無漏初靜慮及前三解脫有漏無漏第四解脫非餘未得故若生極光淨廣果愛盡上愛未盡

彼成就無漏初靜慮餘如前說若生遍淨廣果識無邊處愛盡上愛未盡彼成就無漏初靜慮及第三解脫有漏無漏初三無色解脫非餘前二已捨故後二未得故若生空無邊處無所有處愛盡彼成就無漏初靜慮有漏無漏初三無色解脫并第七解脫非餘前三已捨故後一未得故若生識無邊處無所有處愛盡彼成就無漏初靜慮第四解脫有漏無漏第五第六解脫并第七解脫非餘如前說若生無所有處卽彼愛盡彼成就無漏初靜慮及第四第五解脫有漏無漏第六解脫并第七解脫非餘如前說若生非

想非非想處不得滅盡定彼成就無漏初靜慮三無色解脫并第七解脫非餘前三已捨故後一未得故或已捨故五者謂生欲界梵世極光淨空無邊處愛盡上愛未盡若生遍淨廣果無所有處愛盡不得滅盡定若生非想非非想處得滅盡定此卽異生聖者生欲界梵世及聖者生極光淨遍淨廣果非想非非想處皆成就初靜慮及五解脫於中若生欲界梵世空無邊處愛盡上愛未盡彼成就有漏無漏初靜慮及前三解脫有漏無漏第四第五解脫非餘未得故若生極光淨空無邊處愛盡上愛未盡彼成就無漏

初靜慮餘如前說若生遍淨廣果無所有處愛盡不得滅盡定彼成就無漏初靜慮及第三解脫有漏無漏初三無色解脫并第七解脫非餘前二已捨故後一不得故若生非想非非想處得滅盡定彼成就無漏初靜慮初三無色解脫及後二解脫非餘已捨故六者謂生欲界梵世極光淨識無邊處愛盡上愛未盡若生遍淨廣果得滅盡定此卽異生聖者生欲界梵世及聖者生極光淨遍淨廣果皆成就初靜慮及六解脫於中若生欲界梵世識無邊處愛盡上愛未盡彼成就有漏無漏初靜慮及前三解脫有漏無漏

初三無色解脫非餘未得故若生極光淨識無邊處
愛盡上愛未盡彼成就無漏初靜慮餘如前說若生
遍淨廣果得滅盡定彼成就無漏初靜慮及第三解
脫有漏無漏初三無色解脫并後二解脫非餘已捨
故七者謂生欲界梵世極光淨無所有處愛盡不得
滅盡定此卽異生聖者生欲界梵世及聖者生極光
淨皆成就初靜慮及七解脫於中若生欲界梵世無
所有處愛盡不得滅盡定彼成就有漏無漏初靜慮
及前三解脫有漏無漏初三無色解脫并第七解脫
非第八未得故若生極光淨無所有處愛盡不得滅

盡定彼成就無漏初靜慮餘如前說八者謂生欲界
梵世極光淨得滅盡定此卽聖者生欲界梵世極光
淨皆成就初靜慮及八解脫於中若生欲界梵世得
滅盡定彼成就有漏無漏初靜慮及一切八解脫若
生極光淨得滅盡定彼成就無漏初靜慮及一切八
解脫於八勝處或無或四或八無者謂生遍淨卽彼
愛未盡若生無色界此卽聖者生遍淨及無色界俱
成就無漏初靜慮非八勝處以生遍淨卽彼愛未盡
者前四已捨後四未得故生無色界者皆已捨故四

論
方圓論卷第十八
力

力

四
如
冊

彼愛盡若生廣果此卽異生聖者生欲界梵世及聖者生極光淨遍淨廣果皆成就初靜慮及四勝處於中若生欲界梵世遍淨愛未盡彼成就有漏無漏初靜慮及前四勝處非餘未得故若生極光淨遍淨愛未盡彼成就無漏初靜慮餘如前說若生遍淨卽彼愛盡及生廣果彼成就無漏初靜慮及後四勝處非餘已捨故八者謂生欲界梵世極光淨遍淨愛盡此卽異生聖者生欲界梵世及聖者生極光淨皆成就初靜慮及八勝處於中若生欲界梵世遍淨愛盡彼成就有漏無漏初靜慮及八勝處若生極光淨遍淨

愛盡彼成就無漏初靜慮及八勝處於十遍處或無或一二八九十無者謂生欲界梵世極光淨遍淨遍淨愛未盡若生無所有處非想非非想處此卽異生聖者生欲界梵世及聖者生極光淨遍淨後二無色皆成就初靜慮非十遍處於中若生欲界梵世遍淨愛未盡彼成就有漏無漏初靜慮非十遍處未得故若生極光淨遍淨遍淨愛未盡彼成就無漏初靜慮非十遍處未得故若生後二無色彼成就無漏初靜慮非十遍處已捨故一者謂生空無邊處卽彼愛未盡若生識無邊處此卽聖者生彼二地俱成就無漏

初靜慮及一遍處於中若生空無邊處卽彼愛未盡
 彼成就一空無邊處遍處非餘前八已捨故後一未
 得故若生識無邊處彼成就一識無邊處遍處非餘
 已捨故二者謂生空無邊處卽彼愛盡此卽聖者生
 彼成就無漏初靜慮及後一遍處非餘已捨故八者
 謂生欲界梵世極光淨遍淨遍淨愛盡上愛未盡若
 生廣果卽彼愛未盡此卽異生聖者生欲界梵世及
 聖者生極光淨遍淨廣果皆成就初靜慮及前八遍
 處於中若生欲界梵世遍淨愛盡上愛未盡彼成就
 有漏無漏初靜慮及前八遍處非餘未得故若生極

光淨遍淨遍淨愛盡上愛未盡及生廣果卽彼愛未
 盡彼成就無漏初靜慮餘如前說九者謂生欲色界
 色愛盡上愛未盡此卽異生聖者生欲界梵世及聖
 者生極光淨遍淨廣果皆成就初靜慮及前九遍處
 於中若生欲界梵世色愛盡上愛未盡彼成就有漏
 無漏初靜慮及前九遍處非第十未得故若生極光
 淨遍淨廣果色愛盡上愛未盡彼成就無漏初靜慮
 餘如前說十者謂生欲色界空無邊處愛盡此卽異
 生聖者生欲界梵世及聖者生極光淨遍淨廣果皆
 成就初靜慮及十遍處於中若生欲界梵世空無邊

處愛盡彼成就有漏無漏初靜慮及十遍處若生極光淨遍淨廣果空無邊處愛盡彼成就無漏初靜慮及十遍處於八智或二四五六七八二者謂異生及苦法忍位此中異生及先離欲染依未至定苦法忍位成就有漏初靜慮若依上土地苦法忍位成就有漏無漏初靜慮彼一切皆成就二智謂他心智世俗智四者謂苦法智苦類忍位此位若依未至定則成就有漏初靜慮若依上五地則成就有漏無漏初靜慮彼皆成就四智謂他心智世俗智苦智法智五者謂苦類智集法忍位此二位所成就有漏無漏初靜慮如前分別彼皆成就五智謂前四加類智六者謂集法智乃至減法忍位此諸位所成就初靜慮如前說彼皆成就六智謂前五加集智七者謂減法智乃至道法忍位此諸位所成就初靜慮如前說彼皆成就七智謂前六加減智八者謂道法智以上諸位此中道法智道類忍位所成就初靜慮亦如前說道類智位必成就有漏無漏初靜慮其道類智上諸位中生欲界梵世者定皆成就有漏無漏初靜慮生極光淨以上諸地者惟成就無漏初靜慮彼一切皆成就八智謂前七加道智於三三摩地或無或二或三無

者謂諸異生彼成就有漏初靜慮非三摩地不得故
二者謂諸聖者滅法忍未生此前諸位若依未至定
惟成就有漏初靜慮若依上五地成就有漏無漏初
靜慮彼皆成就二三摩地謂空無願三者謂滅法忍
已生此中從滅法忍乃至道類忍所成就初靜慮如
前說道類智位必成就有漏無漏初靜慮其道類智
上諸位中生欲界梵世者定皆成就有漏無漏初靜
慮生極光淨以上諸地者惟成就無漏初靜慮彼一
切皆成就三三摩地如成就初靜慮乃至成就第四
靜慮隨所應亦爾謂如以初靜慮對四靜慮乃至三

三摩地辯成就如是乃至以第四靜慮對四靜慮乃
至三三摩地辯成就隨其所應若異生若聖者若離
染得故若生得故若有漏若無漏若無若分若具等
皆應廣說七補特伽羅謂隨信行隨法行信勝解見
至身證慧解脫俱解脫隨信行等於味相應等四靜
慮四無色幾成就幾不成就答隨信行於味相應四
靜慮或無或一二三四無者謂色愛盡彼離染時皆
已斷故一者謂遍淨愛盡上愛未盡彼惟成就上一
靜慮地味二者謂極光淨愛盡上愛未盡彼惟成就
上二靜慮地味三者謂梵世愛盡上愛未盡彼惟成

論

卷之三

三

如來

就上三靜慮地味四者謂梵世愛未盡彼具成就四
靜慮地味下染未盡必成就上味上染已盡必不成
就下味故於淨四靜慮或無或一二三四無者謂欲
愛未盡於淨靜慮皆未得故一者謂欲愛盡上愛未
盡彼成就下二地淨三者謂極光淨愛盡上愛未盡彼
惟成就下二地淨三者謂遍淨愛盡彼具成就四地
惟成就下三地淨四者謂遍淨愛盡彼具成就四地
淨下染未盡必不成就上淨上染已盡身在下者必
成就下淨故以隨信行必在欲界故作是說於無漏
四靜慮或無或一二三四無者謂依未至定入正性
離生此中或未離欲染故或雖離欲染不能修故皆
不成就一者謂依初靜慮或靜慮中間入正性離生
彼成就下一地無漏非餘或未得或不能修故二者
謂依第二靜慮入正性離生彼成就下二地無漏非
餘如前說三者謂依第三靜慮入正性離生彼成就
下三地無漏非餘如前說四者謂依第四靜慮入正
性離生彼具成就四地無漏皆已得能修故見道依
下必不修上以是初得道故無漏依上必修下地以
自在不繫故於味相應四無色或一二三四一者謂
無所有處愛盡上愛未盡彼成就上一地味彼必未

離有頂染故二者謂識無邊處愛盡上愛未盡彼成就上二地味三者謂空無邊處愛盡上愛未盡彼成就上三地味四者謂空無邊處愛未盡彼具成就四地味所以如前說於淨四無色或無或一二三四無者謂色愛未盡於淨無色皆未得故一者謂色愛盡上愛未盡彼成就下一地淨二者謂空無邊處愛盡上愛未盡彼成就下二地淨三者謂識無邊處愛盡上愛未盡彼成就下三地淨四者謂無所有處愛盡彼具成就四地淨所以如前說於無漏三無色皆不成就彼無見道故如隨信行隨法行亦爾以此二補

特伽羅若道若地若定若離染若所依皆不異惟根與故信勝解於味相應四靜慮四無色幾成就幾不成就答信勝解於味相應四靜慮或無或一二三四無者謂色愛盡一者謂遍淨愛盡上愛未盡二者謂極光淨愛盡上愛未盡三者謂梵世愛盡上愛未盡四者謂梵世愛未盡彼成就及所以皆如前說於淨四靜慮或無或一二三四無者謂欲愛未盡若生無色界欲愛未盡者皆未得故生無色界者皆已捨故一者謂生欲界欲愛盡上愛未盡若生梵世即彼愛未盡若生極光淨即彼愛未盡若生遍淨即彼愛未

盡若生廣果二者謂生欲界梵世梵世愛盡上愛未盡若生極光淨卽彼愛盡上愛未盡若生遍淨卽彼愛盡三者謂生欲界梵世極光淨愛盡上愛未盡若生極光淨遍淨愛盡四者謂生欲界梵世遍淨愛盡此中信勝解容有生一切地義有漏善法生上必捨下是故得作如前所說於無漏四靜慮或無或一二三四無者謂欲愛未盡一者謂欲愛盡上愛未盡二者謂梵世愛盡上愛未盡三者謂極光淨愛盡上愛未盡四者謂遍淨愛盡此中依漸次得果離染者說或依隨所得勝靜慮卽依彼入正性離生者說若不爾者此文不應作如是說以有梵世愛盡而不成就二極光淨愛盡而不成就三遍淨愛盡而不成就四故何者是耶謂有離梵世乃至遍淨染依初靜慮乃至第三靜慮入正性離生至道類智時不成就無漏二乃至四靜慮故或此所說道類智時雖不成就二乃至四而從此後不久定成故於爾時亦說成就謂道類智後不久必起勝果道時卽修彼故於味相應四無色或一二三四乃至廣說於淨四無色或無或漏三無色或無或一二三者無謂色愛未盡一者謂

論

方廣經疏卷之三

三

如

色愛盡上愛未盡二者謂空無邊處愛盡上愛未盡
 三者謂識無邊處愛盡此中亦依漸次得果離染者
 說若不爾者此文不應作如是說以有色愛盡而不
 成就一空無邊處愛盡而不成就二識無邊處愛盡
 而不成就三故何者是耶謂有離色界乃至識無邊
 處染入正性離生至道類智時不成就無漏無色故
 或彼不久必起勝果道卽成就彼故於爾時亦說成
 就如信勝解見至亦爾以此二補特伽羅若道若地
 若定若離染若所依皆不異惟根異故身證於味相
 應四靜慮皆不成就於淨四靜慮或無或一二三四
 乃至廣說於無漏四靜慮皆成就於味相應四無色
 成就一不成就三於淨四無色或一或四一者謂生
 非想非非想處四者謂生欲色界於無漏三無色皆
 成就慧解脫於味相應四靜慮皆不成就於淨四靜
 慮或無或一二三四乃至廣說於無漏四靜慮皆成
 就於味相應四無色皆不成就於淨四無色或一二
 三四乃至廣說於無漏三無色皆成就俱解脫於味
 相應四靜慮皆不成就於淨四靜慮或無或一二三
 四乃至廣說於無漏四靜慮皆成就於味相應四無
 色皆不成就於淨四無色或一或四一者謂生非想

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

非非想處四者謂生欲色界於無漏三無色皆成就
此中廣釋如前應知

阿毗達磨大毗婆沙論卷第一百六十八

說一切有部發智

音釋

撥無

撥北未
勿絕也

浮渡

居士吳用先施貲刻此

阿毗達磨大毗婆沙論第一百六十八卷
字六千九百六十十七箇該銀三兩四錢八分計

銀山釋海亮對長洲徐普書上元許一科刻

萬曆丙辰歲秋七月徑山化城識

阿毗達磨大毗婆沙論卷第一百六十九

五百大阿羅漢等造

唐三藏法師玄奘奉詔譯

定蘊第七中攝納息第三之四

頗有成就味相應四靜慮非淨非無漏耶答有謂欲愛未盡彼於四靜慮所有善法皆未得故無淨無漏卽以此故成就味相應四靜慮頗有成就淨四靜慮非味相應非無漏耶答有謂異生生欲界梵世色愛盡異生故無無漏色愛盡故無味相應生欲界梵世色愛盡故成就淨四靜慮頗有成就無漏四靜慮非

論

卷之二十六

十一

如六

味相應非淨耶答有謂聖者生無色界以聖者生彼故成就無漏四靜慮卽以生彼處故無味相應淨問若色愛盡依未至定初靜慮靜慮中間入正性離生或練根作見至彼得果已不起勝果道命終生無色界彼皆不成就無漏上三靜慮何故說四耶有說此依漸次得果者說不依餘故有說彼入正性離生者得不還果已必起勝果道修無漏四靜慮然後生上若不爾者應有聖者生廣果以上不成就樂根若爾便達十門所說其信勝解練根作見至者有說彼得果已必起勝果道修無漏四靜慮然後命終生無色界有說彼練根時卽亦修上無漏靜慮是故無過頗有成就淨無漏四靜慮非味相應耶答有謂聖者生欲界梵世色愛盡問若色愛盡依未至定入正性離生十五心項不成就無漏靜慮至道類智但成就一卽彼乃至依第三靜慮入正性離生十六心項但成就三何故說四耶有說此中依漸次得果離染者說有說彼得果已不久必起勝果道現前修上無漏是故於十六心時雖未成就必當得故亦說成就頗有成就餘二或三耶答無謂成就味相應四靜慮者必不成就四淨四無漏故頗有不成就味相應四靜慮

論

力解說卷二十一

二十一

妙力

非淨非無漏耶答有謂聖者生欲界梵世色愛盡此如前成就中第六句釋頗有不成就淨四靜慮非味相應非無漏耶答無頗有不成就無漏四靜慮非味相應非淨耶答無此皆如前成就中所無第四第五句釋頗有不成就味相應淨四靜慮非無漏耶答有謂聖者生無色界此如前成就中第三句釋頗有不成就味相應無漏四靜慮非淨耶答有謂異生生欲界梵世色愛盡此如前成就中第二句釋頗有不成就淨無漏四靜慮非味相應耶答有謂欲愛未盡此如前成就中初句釋頗有不成就味相應淨無漏四靜慮耶答有謂異生生無色界異生故無無漏四靜慮生無色界故無味淨四靜慮頗有成就味相應四無色非淨非無漏耶答有謂色愛未盡彼於四無色所有善法皆未得故無淨無漏卽以此故成就味相應四無色頗有成就淨無漏四無色非味相應耶答有謂生欲色界空無邊處阿羅漢阿羅漢故無味相應生彼地故具成就四淨三無漏頗有成就餘耶答無此中無第二句惟成就四淨者以必有無漏味隨一或俱故無第三句惟成就三無漏者以必有淨故無第四句成就四味淨非無漏及無第五句成就四

味三無漏非淨者以成就四味時必不成就四淨或三無漏故卽由此義無第七句頗有不成就味相應四無色非淨非無漏耶答有謂生欲色界空無邊處阿羅漢此如前成就中第六句釋頗有不成就淨無漏四無色非淨相應耶答有謂色愛未盡此如前成就中初句釋頗有不成就餘耶答無此中無惟不成就四淨者以彼必亦不成就無漏故無惟不成就三無漏者如成就中所無第四句釋無不成就四味淨非無漏者如成就中所無第三句釋無不成就四味三無漏非淨者如成就中所無第二句釋無一切皆

不成就者以於三中隨一或二必成就故於此靜慮無色成就不成就中具成就者名成就具不成就者名非成就及具不成就者名不成就具成就者名非不成就應知頗有得味相應四靜慮非淨非無漏耶答有謂色愛盡起欲界纏退時若無色界發生欲界時此中退者通異生及聖者或學或無學起彼纏時具得四味非淨無漏生者惟異生於結生時具得四味非淨無漏頗有得無漏四靜慮非味相應非淨耶答有謂依第四靜慮入正性離生若得阿羅漢果時此中入正性離生時者謂苦法忍起時爾時無漏四

靜慮先無而得非味非淨得阿羅漢果時者謂盡智
起時爾時無漏四靜慮皆捨而得非味非淨雖淨四
靜慮爾時亦有得者然其種類先有不捨今但更得
少分於淨四靜慮無一名得何況四耶是故說非味
非淨有說此依生無色界得阿羅漢果者說問學練
根時亦有於無漏四靜慮皆捨而得何故不說耶答
應說而不說者當知此義有餘有說此中畧舉初後
以顯中間故不具說有說彼所捨所得俱是學類非
差別類是以不說由此亦不說無學練根頗有得餘
耶答無此中無第一句惟得四淨及無第六句得四

淨無漏非味者無有俱時得四淨故問依第四靜慮
見道三類智時及得阿羅漢果時豈非具得四淨及
無漏耶何故不說答後於爾時於淨四靜慮皆先得
不捨今雖更得少分猶於淨四靜慮無一名得況復
四耶是故不說無第四句得四味淨非無漏及無第
五句得四味無漏非淨者以得四味時必不得四淨
或四無漏故卽由此義亦無第七句頗有捨味相應
四靜慮非淨非無漏耶答無無有俱時離四地染故
頗有捨淨四靜慮非味相應非無漏耶答有謂異生
遍淨愛盡起欲界纏退時若欲界梵世發生無色界

論

六問卷之二
論卷之二十九

五

如大

時此中生無色界通異生及聖者頗有捨淨無漏四靜慮非味相應耶答有謂聖者遍淨愛盡起欲界纏退時頗有捨餘耶答無此中無第三句惟捨四無漏者以退捨時或非全捨故或彼時還得故或兼捨淨故得來捨時還卽得故無第四第五第七句者無有俱時斷四味故頗有得味相應四無色非淨非無漏耶答有謂阿羅漢起欲色界纏退時爾時具得四味非淨無漏頗有得無漏三無色非味相應非淨耶答有謂得阿羅漢果時如前靜慮中釋頗有得餘耶答無此中無第二句惟得四淨者無有俱時得四淨故

無第四句第五第七句者以得四味時必不得四淨三無漏故無第六句得四淨三無漏非味相應者以於得二無漏時雖亦少分得淨而不名得故具如前釋頗有捨味相應四無色非淨非無漏耶答無以無俱時離四地染故頗有捨淨四無色非味相應非無漏耶答有謂異生無所有處愛盡起欲色界纏退時頗有捨淨無漏四無色非味相應耶答有謂聖者無所有處愛盡起欲色界纏退時頗有捨餘耶答無此中無第三句惟捨三無漏者如靜慮中說無第四第五第七句者以無俱時斷四味故於此靜慮無色得

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8

及捨中全得者名得全不得者名非得全捨者名捨全不捨者名非捨應知頗有退味相應四靜慮非淨非無漏耶答無以於功德法有退非於過失法故亦無俱時捨四味故頗有退淨四靜慮非味相應非淨漏耶答有謂異生遍淨愛盡起欲界纏退時頗有退淨無漏四靜慮非味相應耶答有謂聖者遍淨愛盡起欲界纏退時頗有退餘耶答無此中無第三句惟退無漏四靜慮者或與淨俱退故或不全退故或退時還得彼地故無第四第五第七句者於味無退故無惟退四無漏故頗有退味相應四無色非淨非無漏耶答無如前說頗有退淨四無色非味相應非無漏耶答有謂異生無所有處愛盡起欲色界纏退時頗有退淨無漏四無色非味相應耶答有謂聖者無所有處愛盡起欲色界纏退時頗有退餘耶答無此中無第三句惟退無漏三無色者或與淨俱退故或非全退故無第四第五第七句者如靜慮中說問頗有退無漏靜慮非淨耶答有謂學者起無色纏退時爾時退彼對治無漏靜慮非淨故問頗有不起無色纏而退無漏靜慮非淨耶答有謂無學練根未至第九解脫道位不起煩惱而退所得無間解脫道時問

論

方略卷之二十一

卷之二十一

頗有不起纏而退無漏靜慮非淨耶答有卽前所說及學練根未至見至位不起煩惱而退所得無間解脫道時問頗有退七地所攝無漏功德而非淨耶答有謂少分離非想非非想處染還起後地所斷品纏退時問頗有惟捨無漏靜慮而得淨無漏耶答有謂得阿羅漢果時問頗有捨淨無漏靜慮惟得無漏耶答有謂阿羅漢起無色纏退時問頗有無漏靜慮與淨俱時得而別捨耶答有謂得阿羅漢果及依靜慮得不還果并學者練根時問頗有淨靜慮與無漏俱時得而別捨耶答有謂聖者離自地染及生上地時問頗有淨無漏靜慮別時得俱時捨耶答有謂聖者離自地染起下地纏退時問頗有淨無漏靜慮俱時得俱時捨耶答有謂聖者已離下地染起下地纏退時如問靜慮如是無色亦應准問復次如前所說等至畧有二十三種謂靜慮有十二卽四味相應四淨四無漏無色有十一卽四味相應四淨三無漏此二十三若廣建立成六十五等至謂前二十三加四無量四無礙解八解脫八勝處十遍處六通無諍願智所依問此六十五幾惟緣自地幾惟緣下地幾緣自地及下地幾緣自地及上地幾緣一切地答十等至

論語卷二十一
十一
十一

十一

十一

惟緣自地謂八味相應及空識無邊處遍處二十四等至惟緣下地謂四無量初三解脫八勝處前八遍處及無諍或有欲令無諍緣欲色界者除無諍七等至緣自地及下地謂法詞二無礙解五通所依九等至緣自地及上地謂淨無漏三無色及下三無色解脫此依緣有漏者說十二等至緣一切地謂淨無漏四靜慮義辯二無礙解漏盡通願智所依此亦但依緣有漏者說若通依緣無漏者說則有二十三等至緣一切地謂卽前十二加十一無色謂淨無漏無色及無色解脫問若等至隨以何味相應靜慮爲因卽以彼爲等無間耶設等至隨以何味相應靜慮爲等無間卽以彼爲因耶答諸等至隨以彼味相應靜慮爲因亦卽以彼爲等無間有等至以彼味相應靜慮爲等無間而不以彼爲因於中若等至以味相應初靜慮爲等無間而不以彼爲因者有十六謂淨初靜慮四無量初二解脫前四勝處五通所依若等至以味相應第二靜慮爲等無間而不以彼爲因者有十七謂淨第二靜慮四無量初二解脫前四勝處五通所依及淨初靜慮若等至以味相應第三靜慮爲等無間而不以彼爲因者有十謂淨第三靜慮三無量

論

大般若經卷二十六

九

如

五通所依及淨第三靜慮若等至以味相應第四靜慮爲等無間而不以彼爲因者有二十三謂淨第四靜慮三無量淨解脫後四勝處前八遍處五通所依及淨第三靜慮問若等至隨以何味相應無色爲因卽以彼爲等無間耶設等至隨以何味相應無色爲等無間卽以彼爲因耶答諸等至隨以彼味相應無色爲因亦卽以彼爲等無間有等至以彼味相應無色爲等無間而不以彼爲因於中若等至以味相應空無邊處爲等無間而不以彼爲因者有四謂淨空無邊處卽彼解脫卽彼遍處及淨第四靜慮若等至

以味相應識無邊處爲等無間而不以彼爲因者有五謂淨識無邊處卽彼解脫卽彼遍處及淨空無邊處卽彼解脫若等至以味相應無所有處爲等無間而不以彼爲因者有四謂淨無所有處卽彼解脫及淨識無邊處卽彼解脫若等至以味相應非想非非想處爲等無間而不以彼爲因者有四謂淨非想非非想處卽彼解脫及淨無所有處卽彼解脫問若等至隨以何淨靜慮爲因卽以彼爲等無間耶設等至隨以何淨靜慮爲等無間卽以彼爲因耶答諸等至隨以彼淨靜慮爲因亦卽以彼爲等無間有等至以

論
大智度論卷第十六

如六

彼淨靜慮爲等無間而不以彼爲因於中若等至以淨初靜慮爲等無間而不以彼爲因者有六謂自地味相應無漏及淨無漏第二第三靜慮若等至以淨第二靜慮爲等無間而不以彼爲因者有八謂自地味相應無漏及淨無漏初第三第四靜慮若等至以淨第三靜慮爲等無間而不以彼爲因者有十一謂自地味相應無漏及淨無漏初第二第四靜慮空無邊處卽彼解脫若等至以淨第四靜慮爲等無間而不以彼爲因者有十二謂自地味相應無漏及淨無漏第二第三靜慮空識無邊處卽彼解脫問若等至以何淨無色爲因卽以彼爲等無間耶設等至隨以何淨無色爲等無間卽以彼爲因耶答諸等至隨以彼淨無色爲因亦卽以彼爲等無間有等至以彼淨無色爲等無間而不以彼爲因於中若等至以淨空無邊處爲等無間而不以彼爲因者有十二謂自地味相應無漏及淨無漏第三第四靜慮識無邊處無所有處卽彼二處解脫若等至以淨識無邊處爲等無間而不以彼爲因者有十二謂自地味相應無漏及淨無漏第四靜慮空無邊處無所有處卽彼二處解脫淨非想非非想處卽彼解脫若等至以淨無

論

大藏經論卷一百一十一

二

如來

所有處爲等無間而不以彼爲因者有十謂自地味
相應無漏及淨無漏空識無邊處卽彼解脫淨非想
非非想處卽彼解脫若等至以淨非想非非想處爲
等無間而不以彼爲因者有七謂自地味相應及淨
無漏識無邊處無所有處卽彼二處解脫間若等至
隨以何無漏靜慮爲因卽以彼爲等無間耶設等至
隨以何無漏靜慮爲等無間卽以彼爲因耶答依一
一無漏靜慮皆應作四句依無漏初靜慮作四句者
有等至以無漏初靜慮爲因非等無間此有七謂無
漏第四靜慮三無色及三無色解脫有等至以無漏
初靜慮爲等無間非因此有十九謂淨初第二第三
靜慮四無量初二解脫前四勝處二無礙解四通所
依有等至以無漏初靜慮爲因亦等無間此有七謂
無漏初第二第三靜慮二無礙解他心漏盡通所依
有等至不以無漏初靜慮爲因亦非等無間此有三
十二謂八味相應淨第四靜慮四無色三解脫後四
勝處十遍處無諍願智所依無漏第二靜慮作四句
者有等至以無漏第二靜慮爲因非等無間此有六
謂無漏三無色及三無色解脫有等至以無漏第二
靜慮爲等無間非因此有十九謂淨四靜慮四無量

論

大藏經論卷一百一十一

二

如來

論

大般若經論卷一百一十一

二

如來

初二解脫前四勝處法無礙解四通所依有等至以無漏第二靜慮爲因亦等無間此有八謂無漏四靜慮二無礙解他心漏盡通所依有等至不以無漏第二靜慮爲因亦非等無間此有三十二謂八味相應淨四無色三解脫後四勝處十遍處詞無礙解無諍願智所依依無漏第三靜慮作四句者有等至以無漏第三靜慮爲因非等無間此有四謂無漏識無邊處無所有處卽彼二處解脫有等至以無漏第三靜慮爲等無間非因此有十三謂淨四靜慮空無邊處三無量法無礙解四通所依有等至以無漏第三靜慮爲因亦等無間此有十一謂無漏四靜慮空無邊處卽彼解脫二無礙解他心漏盡通所依有等至不以無漏第三靜慮爲因亦非等無間此有三十八謂八味相應上三淨無色喜無量五解脫八勝處十遍處詞無礙解無諍願智所依依無漏第四靜慮作四句者有等至以無漏第四靜慮爲因非等無間此有三謂無漏初靜慮無所有處及無所有處解脫有等至以無漏第四靜慮爲等無間非因此有二十八謂淨第二第三第四靜慮空識無邊處三無量淨解脫後四勝處前八遍處法無礙解四通無諍願智所依

有等至以無漏第四靜慮爲因亦等無間此有十一
謂無漏第二第三第四靜慮空識無邊處卽彼解脫
二無礙解他心漏盡通所依有等至不以無漏第四
靜慮爲因亦非等無間此有三十三謂八味相應淨
初靜慮無所有處非想非非想處喜無量四解脫前
四勝處後二遍處詞無礙解所依問若等至隨以何
無漏無色爲因卽以彼爲等無間耶設等至隨以何
無漏無色爲等無間卽以彼爲因耶答依一一無漏
無色皆應作四句依無漏空無邊處作四句者有等
至以無漏空無邊處爲因非等無間此有三謂無漏

初第二靜慮及他心通所依有等至以無漏空無邊
處爲等無間非因此有六謂淨第三第四靜慮下三
無色及空無邊處遍處有等至以無漏空無邊處爲
因亦等無間此有十一謂無漏第三第四靜慮三無
色及下三無色解脫二無礙解漏盡通所依有等至
不以無漏空無邊處爲因亦非等無間此有四十五
謂八味相應淨初第二靜慮非想非非想處四無量
五解脫八勝處九遍處二無礙解四通無靜願智所
依依無漏識無邊處作四句者有等至以無漏識無
邊處爲因非等無間此有四謂無漏初第二第三靜

慮他心通所依有等至以無漏識無邊處爲等無間
非因此有七謂淨第四靜慮四無色非想非非想處
解脫識無邊處遍處有等至以無漏識無邊處爲因
亦等無間此有十謂無漏第四靜慮三無色及下三
無色解脫二無礙解漏盡通所依有等至不以無漏
識無邊處爲因亦非等無間此有四十四謂八味相
應淨初第二第三靜慮四無量四解脫八勝處九遍
處二無礙解四通無諍願智所依依無漏無所有處
作四句者有等至以無漏無所有處爲因非等無間
此有五謂無漏四靜慮及他心通所依有等至以無

漏無所有處爲等無間非因此有五謂淨四無色及
非想非非想處解脫有等至以無漏無所有處爲因
亦等無間此有九謂無漏三無色下三無色解脫二
無礙解漏盡通所依有等至不以無漏無所有處爲
因亦非等無間此有四十六謂八味相應淨四靜慮
四無量四解脫八勝處十遍處二無礙解四通無諍
願智所依問若等至隨以何味相應靜慮爲因卽以
彼爲所緣耶設等至隨以何味相應靜慮爲所緣卽
以彼爲因耶答諸等至隨以彼味相應靜慮爲因亦
卽以彼爲所緣有等至以彼味相應靜慮爲所緣而

不以彼爲因於中若等至以味相應初靜慮爲所緣
而非因者有十三謂淨無漏四靜慮義無礙解三通
願智所依或有欲令無諍亦綠色界者彼說有十四
加無諍如是說者初說爲善如味相應初靜慮味相
應第二第三第四靜慮亦爾問若等至隨以何味相
應無色爲因卽以彼爲所緣耶設等至隨以何味相
應無色爲所緣卽以彼爲因耶答諸等至隨以彼味相
應無色爲因亦卽以彼爲所緣有等至以彼味相
應無色爲所緣而不以彼爲因於中若等至以味相
應空無邊處爲所緣而不以彼爲因者有十五謂淨
無漏四靜慮義無礙解漏盡通願智所依淨無漏空
無邊處卽彼解脫遍處若等至以味相應識無邊處
爲所緣而不以彼爲因者有十八謂淨無漏四靜慮
義無礙解漏盡通願智所依淨無漏空識無邊處卽
彼解脫識無邊處遍處若等至以味相應無所有處
爲所緣而不以彼爲因者有二十謂淨無漏四靜慮
義無礙解漏盡通願智所依淨無漏下三無色及下
三無色解脫若等至以味相應非想非非想處爲所
緣而不以彼爲因者有二十三謂卽前二十加淨非
想非非想處及彼解脫

論

方正學法言卷一百一十九

卷一百一十九

文

阿毗達磨大毗婆沙論卷第一百六十九

說一切有部發智

浮渡居士吳用先施賈刻此
字六千四百七十六該銀三兩二錢四分
銀山釋海亮對長洲徐普書上元李再興刻
萬曆丙辰歲夏四月徑山化城識

阿毗達磨大毗婆沙論卷第一百七十

五百大阿羅漢等造

定蘊第七中攝納息第三之五

唐三藏法師玄奘奉詔譯

問若等至隨以何淨靜慮爲因卽以彼爲所緣耶設等至隨以何淨靜慮爲所緣卽以彼爲因耶答依一一淨靜慮皆應作四句依淨初靜慮作四句者有等至以淨初靜慮爲因而非所緣此有十五謂四無量二解脫四勝處二無礙解三通所依有等至以淨初靜慮爲所緣而非因此有九謂味相應初靜慮淨上

三靜慮無漏四靜慮願智所依有等至以淨初靜慮爲因亦作所緣此有六謂淨初靜慮三無礙解三通所依有等至不以淨初靜慮爲因亦非所緣此有三十五謂七味相應淨四無色無漏三無色後四勝處六解脫十遍處無諍所依淨第二靜慮作四句者有等至以淨第二靜慮爲因而非所緣此有十四謂四無量二解脫四勝處法無礙解三通所依有等至以淨第二靜慮爲所緣而非因此有九謂味相應第二靜慮淨初第三第四靜慮無漏四靜慮願智所依有等至以淨第二靜慮爲因亦作所緣此有六謂淨第二靜慮三無礙解三通所依有等至不以淨第二靜慮爲因亦非所緣此有三十六謂七味相應淨四無色無漏三無色後四勝處六解脫十遍處無諍詞無礙解所依淨第三靜慮作四句者有等至以淨第三靜慮爲因而非所緣此有七謂三無量法無礙解三通所依有等至以淨第三靜慮爲所緣而非因此有九謂自地味相應淨初第二第三靜慮無漏四靜慮願智所依有等至以淨第三靜慮爲因亦作所緣此有六謂淨第三靜慮三無礙解三通所依有等至不以淨第三靜慮爲因亦非所緣此有四十三謂

論

大藏經卷一百一

三

妙

七味相應淨四無色無漏二無色喜無量八勝處八
 解脫十遍處無諍詞無礙解所依依淨第四靜慮作
 四句者有等至以淨第四靜慮爲因而非所緣此有
 二十一謂三無量淨解脫後四勝處前八遍處法無
 碩解無諍三通所依有等至以淨第四靜慮爲所緣
 而非因此有八謂味相應第四靜慮淨下三靜慮無
 漏四靜慮有等至以淨第四靜慮爲因亦作所緣此
 有七謂淨第四靜慮二無碍解三通願智所依有等
 至不以淨第四靜慮爲因亦非所緣此有二十九謂
 七味相應淨四無色無漏三無色喜無量七解脫前

四勝處後二遍處詞無礙解所依問若等至隨以何
 淨無色爲因卽以彼爲所緣耶設等至隨以何淨無
 色爲所緣卽以彼爲因耶答下三淨無色若等至隨
 以彼爲因亦卽以彼爲所緣有等至以彼爲所緣而
 不以彼爲因淨非想非非想處應作四句於中若等
 至以淨空無邊處爲所緣而不以彼爲因者有十一
 謂淨無漏四靜慮自地味相應無漏願智所依若等
 至以淨識無邊處爲所緣而不以彼爲因者有十四
 謂淨無漏四靜慮無漏初二無色淨空無邊處卽彼
 解脫自地味相應願智所依若等至以淨無所有處

爲所緣而不以彼爲因者有十七謂淨無漏四靜慮無漏三無色淨初二無色及初二無色解脫自地味相應願智所依依淨非想非非想處作四句者有等至以淨非想非非想處爲因而非所緣此有一謂滅想受解脫有等至以淨非想非非想處爲所緣而非因此有十九謂淨無漏四靜慮三無色及三無色解脫自地味相應願智所依有等至以淨非想非非想處爲因亦作所緣此有五謂淨非想非非想處卽彼解脫二無礙解漏盡通所依有等至不以淨非想非非想處爲因亦非所緣此有四十謂七味相應四無量初三解脫八勝處十遍處二無礙解無諍五通所依問若等至隨以何無漏靜慮爲因卽以彼爲所緣耶設等至隨以何無漏靜慮爲所緣卽以彼爲因耶答諸等至隨以彼無漏靜慮爲因亦卽以彼爲因者有等至以彼無漏靜慮爲所緣而不以彼爲因者有十謂淨四靜慮四無色非想非非想處解脫願智所依如無漏初靜慮無漏第二第三第四靜慮亦爾問若等至隨以何無漏無色爲因卽以彼爲所緣耶設等至隨以何無漏無色爲所緣卽以彼爲因耶答依

一一無漏無色皆應作四句依無漏空無邊處作四
句者有等至以無漏空無邊處爲因而非所緣此有
一謂他心通所依有等至以無漏空無邊處爲所緣
而非因此有十謂淨四靜慮四無色非想非非想處
解脫願智所依有等至以無漏空無邊處爲因亦作
所緣此有十三謂無漏四靜慮三無色下三無色解
脫二無礙解漏盡通所依有等至不以無漏空無邊
處爲因亦非所緣此有四十一謂八味相應四無量
八解脫八勝處十遍處二無礙解無諍四通所依如
無漏空無邊處無漏識無邊處無所有處亦爾問若
等至隨以何味相應靜慮爲等無間卽以彼爲所緣
耶設等至隨以何味相應靜慮爲所緣卽以彼爲等
無間耶答依一一味相應靜慮皆應作四句依味相
應初靜慮作四句者有等至以味相應初靜慮爲等
無間而非所緣此有十三謂四無量初二解脫前四
勝處三通所依有等至以味相應初靜慮爲所緣而
非等無間此有十謂淨上三靜慮無漏四靜慮義無
礙解漏盡通願智所依有等至以味相應初靜慮爲
等無間亦作所緣此有四謂自地味相應淨二通所
依有等至不以味相應初靜慮爲等無間亦非所緣

此有三十八謂七味相應淨四無色無漏三無色六解脫後四勝處十遍處無諍三無礙解所依依味相應第二靜慮作四句者有等至以味相應第二靜慮爲等無間而非所緣此有十三謂四無量初二解脫前四勝處三通所依有等至不以味相應第二靜慮爲所緣而非等無間此有九謂淨上二靜慮無漏四靜慮義無礙解漏盡通願智所依有等至以味相應第二靜慮爲等無間亦作所緣此有五謂自地味相應淨初二靜慮二通所依有等至不以味相應第二靜慮爲等無間亦非所緣此有三十八謂七味相應淨四無色無漏三無色六解脫後四勝處十遍處無諍三無礙解所依依味相應第三靜慮作四句者有等至以味相應第三靜慮爲等無間而非所緣此有六謂三無量三通所依有等至以味相應第三靜慮爲所緣而非等無間此有九謂淨二靜慮無漏四靜慮義無礙解漏盡通願智所依有等至以味相應第三靜慮爲等無間亦作所緣此有五謂自地味相應淨第二第三靜慮二通所依有等至不以味相應第三靜慮爲等無間亦非所緣此有四十五謂七味相應淨四無色無漏三無色喜無量八解脫八勝處十遍

處無諍三無礙解所依依味相應第四靜慮作四句
者有等至以味相應第四靜慮爲等無間而非所緣
此有十九謂三無量淨解脫後四勝處前八遍處三
通所依有等至以味相應第四靜慮爲所緣而非等
無間此有九謂淨二靜慮無漏四靜慮義無礙解漏
盡通願智所依有等至以味相應第四靜慮爲等無
間亦作所緣此有五謂自地味相應淨第三第四靜
慮二通所依有等至不以味相應第四靜慮爲等無
間亦非所緣此有三十二謂七味相應淨四無色無
漏三無色喜無量七解脫前四勝處後二遍處無諍

三無礙解所依問若等至隨以何味相應無色爲等
無間卽以彼爲所緣耶設等至隨以何味相應無色
爲所緣卽以彼爲等無間耶答諸等至隨以彼味相
應無色爲等無間亦卽以彼爲所緣有等至以彼味
相應無色爲所緣而不以彼爲等無間於中若等至
以味相應空無邊處爲所緣而不以彼爲等無間者
有十一謂淨三靜慮無漏四靜慮自地無漏義無礙
解脫盡通願智所依若等至以味相應識無邊處爲
所緣而不以彼爲等無間者有十三謂淨無漏四靜
慮無漏初二無色義無礙解漏盡通願智所依若等

至以味相應無所有處爲所緣而不以彼爲等無間者有十六謂淨無漏四靜慮淨空無邊處卽彼解脫無漏三無色義無礙解漏盡通願智所依若等至以味相應非想非非想處爲所緣而不以彼爲等無間者有十八謂淨無漏四靜慮初二淨無色卽彼解脫無漏三無色義無礙解漏盡通願智所依問若等至隨以何淨靜慮爲等無間卽以彼爲所緣耶設等至隨以何淨靜慮爲所緣卽以彼爲等無間耶答依一淨靜慮皆應作四句依淨初靜慮作四句者有等至以淨初靜慮爲等無間而非所緣此有十五謂四

無量初二解脫前四勝處二無礙解三通所依有等至以淨初靜慮爲所緣而非等無間此有三謂淨無漏第四靜慮願智所依有等至以淨初靜慮爲等無間亦作所緣此有十三謂自地味相應及淨無漏初三靜慮二無礙解三通所依有等至不以淨初靜慮爲等無間亦非所緣此有三十五謂七味相應淨四無色無漏三無色六解脫四勝處十遍處無諍所依依淨第二靜慮作四句者有等至以淨第二靜慮爲四勝處法無礙解三通所依有等至以淨第三靜慮等無間而非所緣此有十四謂四無量初二解脫前

爲所緣而非等無間此有一謂願智所依有等至以淨第二靜慮爲等無間亦作所緣此有十四謂自地味相應及淨無漏四靜慮二無礙解三通所依有等至不以淨第二靜慮爲等無間亦非所緣此有三十六謂七味相應淨四無色無漏三無色六解脫四勝處十遍處無諍詞無礙解所依淨第三靜慮作四句者有等至以淨第三靜慮爲等無間而非所緣此有十謂三無量淨無漏空無邊處卽彼解脫法無礙解三通所依有等至以淨第三靜慮爲所緣而非等無間此有一謂願智所依有等至以淨第三靜慮爲等無間亦作所緣此有十四謂自地味相應及淨無漏四靜慮二無礙解三通所依有等至不以淨第三靜慮爲等無間亦非所緣此有四十謂七味相應淨上三無色無漏上二無色喜無量七解脫八勝處十遍處無諍詞無礙解所依淨第四靜慮作四句者有等至以淨第四靜慮爲等無間而非所緣此有二十七謂三無量淨解脫後四勝處前八遍處無諍法無礙解三通所依淨無漏初二無色卽彼解脫有等至以淨第四靜慮爲所緣而非等無間此有二謂淨無漏初靜慮有等至以淨第四靜慮爲等無間亦作

所緣此有十三謂自地味相應及淨無漏上三靜慮
二無礙解願智三通所依有等至不以淨第四靜慮
爲等無間亦非所緣此有二十三謂七味相應淨上
二無色無漏上一無色喜無量五解脫前四勝處後
二遍處詞無礙解所依問若等至隨以何淨無色爲
等無間卽以彼爲所緣耶設等至隨以何淨無色爲
所緣卽以彼爲等無間耶答依一一淨無色皆應作
四句依淨空無邊處作四句者有等至以淨空無邊
處爲等無間而非所緣此有六謂淨無漏識無邊處
無所有處卽彼解脫有等至以淨空無邊處爲所緣
而非等無間此有五謂淨無漏初第二靜慮願智所
依有等至以淨空無邊處爲等無間亦作所緣此有
十二謂自地味相應及淨無漏上三靜慮空無邊處
卽彼解脫遍處二無礙解漏盡通所依有等至不以
淨空無邊處爲等無間亦非所緣此有四十二謂七
味相應淨非想非非想處四無量五解脫八勝處九
遍處二無礙解無諍五通所依依淨識無邊處作四
句者有等至以淨識無邊處爲等無間而非所緣此
有五謂淨無漏無所有處淨非想非非想處及彼二
解脫有等至以淨識無邊處爲所緣而非等無間此

有七謂淨無漏初三靜慮願智所依有等至以淨識
無邊處爲等無間亦作所緣此有十三謂自地味相
應及淨無漏第四靜慮初二無色及初二無色解脫
識無邊處遍處二無礙解漏盡通所依有等至不以
淨識無邊處爲等無間亦非所緣此有四十謂七味
相應四無量四解脫八勝處九遍處二無礙解無諍
五通所依依淨無所有處作四句者有等至以淨無
所有處爲等無間而非所緣此有二謂淨非想非非
想處卽彼解脫有等至以淨無所有處爲所緣而非
等無間此有九謂淨無漏四靜慮願智所依有等至
以淨無所有處爲等無間亦作所緣此有十三謂自
地味相應及淨無漏初三無色卽彼三解脫二無礙
解漏盡通所依有等至不以淨無所有處爲等無間
亦非所緣此有四十一謂七味相應四無量四解脫
八勝處十遍處二無礙解無諍五通所依依淨非想
非非想處作四句者有等至以淨非想非非想處爲
等無間而非所緣此有一謂滅想受解脫有等至以
淨非想非非想處爲所緣而非等無間此有十二謂
淨無漏四靜慮空無邊處及空無邊處解脫願智所
依有等至以淨非想非非想處爲等無間亦作所緣

此有十二謂自地味相應及淨土三無色卽彼三解脫無漏上二無色二無礙解漏盡通所依有等至不以淨非想非非想處爲等無間亦非所緣此有四謂七味相應四無量三解脫八勝處十遍處二無礙解無諍五通所依問若等至隨以何無漏靜慮爲等無間卽以彼爲所緣耶設等至隨以何無漏靜慮爲所緣卽以彼爲等無間耶答依一一無漏靜慮皆應作四句依無漏初靜慮作四句者有等至以無漏初靜慮爲等無間而非所緣此有十六謂四無量初正解脫前四勝處二無礙解四通所依有等至以無漏初靜慮爲所緣而非等無間此有十四謂淨無漏第四靜慮淨四無色無漏三無色四無色解脫願智所依有等至以無漏初靜慮爲等無間亦作所緣此有十謂淨無漏初三靜慮二無礙解二通所依有等至不以無漏初靜慮爲等無間亦非所緣此有二十五謂八味相應二解脫後四勝處十遍處無諍所依無漏第二靜慮作四句者有等至以無漏第二靜慮爲等無間而非所緣此有十五謂四無量初二解脫前四勝處法無礙解四通所依有等至以無漏第二靜慮爲所緣而非等無間此有十二謂淨四無色無

漏三無色四無色解脫願智所依有等至以無漏第二
靜慮爲等無間亦作所緣此有十二謂淨無漏四
靜慮二無礙解二通所依有等至不以無漏第二靜
慮爲等無間亦非所緣此有二十六謂八味相應三
解脫後四勝處十遍處無諍詞無礙解所依依無漏
第三靜慮作四句者有等至以無漏第三靜慮爲等
無間而非所緣此有八謂三無量法無礙解四通所
依有等至以無漏第三靜慮爲所緣而非等無間此
有九謂淨上三無色卽彼三解脫無漏上二無色願
智所依有等至以無漏第三靜慮爲等無間亦作所
緣此有十五謂淨無漏四靜慮空無邊處及空無邊
處解脫二無礙解二通所依有等至不以無漏第三
靜慮爲等無間亦非所緣此有三十三謂八味相應
喜無量四解脫八勝處十遍處無諍詞無礙解所依
依無漏第四靜慮作四句者有等至以無漏第四靜
慮爲等無間而非所緣此有二十二謂三無量淨解
脫後四勝處前八遍處法無礙解無諍四通所依有
等至以無漏第四靜慮爲所緣而非第無間此有七
謂淨無漏初靜慮淨上一二無色及彼二解脫無漏
上一無色有等至以無漏第四靜慮爲等無間亦作

所緣此有育毛謂淨無漏上三靜慮初二無色及初
二無色解脫二無礙解二通願智所依有等至不以
無漏第四靜慮爲等無間亦非所緣此有十九謂八
味相應喜無量三解脫前四勝處後二遍處詞無礙
解所依問若等至隨以何無漏無色爲等無間卽以
彼爲所緣耶設等至隨以何無漏無色爲所緣卽以
彼爲等無間耶答依無漏初二無色各應作四句依
無漏後一無色應作順前句依無漏空無邊處作四
句者有等至以無漏空無邊處爲等無間而非所緣
此有一謂空無邊處遍處有等至以無漏空無邊處
爲所緣而非等無間此有七謂淨無漏初二靜慮淨
非想非非想處及彼解脫願智所依有等至以無漏
空無邊處爲等無間亦作所緣此有十六謂淨無漏
後二靜慮初二無色卽彼解脫二無礙解漏盡通所
依有等至不以無漏空無邊處爲等無間亦非所緣
此有四十一謂八味相應四無量四解脫八勝處九
遍處二無礙解無諍五通所依依無漏識無邊處作
四句者有等至以無漏識無邊處爲等無間而非所
緣此有一謂識無邊處遍處有等至以無漏識無邊
處爲所緣可辨等無間此有七謂淨無漏初二靜慮

願智所依有等至以無漏識無邊處爲等無間亦作
所緣此有十六謂淨無漏第四靜慮下三無色淨非
想非非想處四無色解脫二無礙解漏盡通所依有
等至不以無漏識無邊處爲等無間亦非所緣此有
四十一謂八味相應四無量四解脫八勝處九遍處
二無礙解無諍五通所依無漏無所有處作順前
句者謂若等至以無漏無所有處爲等無間亦卽以
彼爲所緣有等至以無漏無所有處爲所緣而不以
彼爲等無間此有九謂淨無漏四靜慮願智所依問
頗有一等至現在前時三十三等至捨而不得八等
至得而不捨二等至亦捨亦得二等至少分捨少分
得少分不捨少分不得十三等至少分捨而不得少
分不捨不得七等至非捨非得耶答有謂慧解脫阿
羅漢起味相應初靜慮退爾時於六十五等至中三
十三捨而不得謂淨無漏上三靜慮淨無漏無色五
解脫後四勝處十遍處漏盡通所依八得而不捨謂
味相應靜慮無色二亦捨亦得謂無漏淨初靜慮捨
無學及上所修得學及退分故二少分捨少分得少
分不捨少分不得謂有欲令亦有無漏宿住隨念他
通者依彼可得作此問答謂宿住隨念他心知通爾

時少分捨卽一切無學上地有漏及無學位等所修
初靜慮有漏者少分得卽初靜慮學少分不捨不得
卽初靜慮餘有漏者若有欲令宿住隨念智通爾時但
漏者依彼不應作此問答以宿住隨念智通爾時但
有少分捨及少分不捨不得故十三少分捨而不得
少分不捨不得謂四無量初二解脫前四勝處三通
所依卽上地一切及自地無學位等所修者捨而不得
得餘自地者不捨不得七非捨非得謂四無礙解無
諍願智所依滅盡解脫以本末得故問頗有得一等
至而無所捨耶答有謂得滅盡解脫時問頗有頓

六等至而無所捨耶答有謂阿羅漢初起願智時頓
得六等至謂四無礙解無諍願智所依問頗有捨一
等至而無所得耶答有謂遍淨發生廣果時捨淨第
三靜慮而無所得問四向四果補特伽羅於六十五
等至誰成就幾不成就幾答預流向成就八謂八味
相應餘不成就如預流向預流果一來向一來果亦
爾不還向極少成就八如前說卽漸次者極多成就
四十七卽已離無所有處染依第四靜慮入正性離
生者謂淨無漏四靜慮淨四無色味相應非想非非
想處四無量七解脫八勝處十遍處五通所

果極多如向說極少成就二十五謂八味粗等所修
漏初靜慮四無量初二解脫前四勝處五通所依或
減一二味增一二淨皆亦二十五阿羅漢向極少成
就十三卽生非想非非想處不得滅盡解脫者謂無
漏四靜慮三無色味相應淨非想非非想處四解脫
若生無所有處未離自地染者亦成就十三謂增一
味減一解脫極多成就五十一卽生欲界梵世身證
謂一味八淨七無漏四無量八解脫八勝處十遍處
界六內浙依阿羅漢果極少成就十三卽生非想非
六淨至滅脫阿羅漢謂七無漏一淨四解脫漏盡通